

桑

蠶

提

要

桑蠶提要目錄卷之二

蠶事四十條

總論十條

蠶種四則

蠶性二則

蠶屋七則

蠶食三則

蠶料八則

蠶具三十則

蠶母四則

採桑五則

飼葉七則

易器六則

分論二十二條

留種七則

浴種三則

生蟻五則

收蟻五則

育蟻五則

頭眠三則

頭眠起後二則

二眠三則

二眠起後二則

三眠三則

三眠起後二則

大眠三則

大眠起後二則

地蠶五則

老蠶二則

紫山八則

上山七則

摘繭六則

殺繭三則

繰絲十八則

做綿四則

抽線三則

附錄八條

夏蠶四則

養夏蠶法九則

秋蠶四則

養秋蠶法四則

柘蠶三則

養柘蠶法二則

山蠶八則

養山蠶法春季十五則秋季七則

桑蠶提要 卷之二

巴陵方大湜述

蠶事 四十條

上元江毓昌重刻

蠶種 四則

釋名 蠶神物也屢化如神其卵曰子子初生曰蟻亦曰

曰蠶花又子之首先出者曰𧈧音苗亦蟻漸大曰

曰蠶兒蠶亦曰蠶老吐絲自裹曰繭亦曰蠶衣繭成

化而為蛹亦曰蠹又曰繭蛹化為蛾亦曰蛾穿繭

而出又復生卵蠶屎曰砂蠶皮曰殼亦曰衣繭外

浮絲曰繭

亦曰窠又曰外衣

蠶卧曰眠

亦曰俯

眠後脫殼

曰起初眠曰頭眠二眠曰停眠三眠曰出火四眠

曰大眠將眠曰紅嬾思

亦曰青嬾思

他蠶盡眠而此猶

食葉曰食娘眠者曰眠娘起者曰起娘將老而口

中吐絲繚繞至脰曰繚娘老者色微紅絲喉漸亮

曰老娘

亦曰紅蠶

別類 初次養蠶必先問人買種然種類不同鹹種

浴以鹽漬繭小而絲重勝於淡種然上

淡種

山時見亮則遊山比淡種稍覺費時 水不用鹽繭大而絲重亦淡種之類其繭堅 輕雖見亮不甚遊山重絲種小似鹹種絲亦輕重



相仿三眠種有鹹有淡下連後七日初眠又七日二眠又七日三眠又五六月或七八日而

老四眠種有鹹有淡下連後七日初眠又四日而二眠又四日三眠又四日五眠又四日五眠又

四五日而老比三眠蠶多一眠然白下連至老總計時日與三眠蠶亦不甚參差白絲種

黃絲種於黃勝各有其類不可紊亂須問明為要

審形蠶之為狀無牝無牡或白或烏或徧體斑斕

長約二寸粗如小指頭高而皮縐喙咄咄似馬食蠶

葉之狀與馬食草料相似身儼儼似蠋儼與保同赤體也腹方背圓頭

尾之外中凡七節每節各有青紋為界第二節之

內有黑癥二形曲如月老則黑癥漸隱第五節亦如之腹

之兩旁每節各有黑點一，共十四點，左右各七。

臨

時黑點

腹下八足，左右各四。

在三四五節之內

項下六足。

左右各三。

蠶之吐絲結繭，全恃此六足踐踏而成。

尾上有肉筍。

筍尖向後

尾顛有小缺。

蠶化為蛹，形略似蠶，但身短無足。

耳。蛹化為蛾，形如蝶而小，其色粉白，眉旁張如

兩角，句曲如畫，頭小尾禿，其身圓以粗。

更粗者身頭

尾而外，中分六節，項下有六足，左右各三，肩左

右各二翼，一內一外，內翼之前高於外翼，自其高

處斜下以至於後，乃與外翼之後相平，四翼皆有

紋理、紋形略如蒲扇、有雌有雄、先孕後交、不交者亦產子、但所產之子自蟻至老、雖具蠶形、卻無眉目、且易傷損結繭亦薄與交而產者不同、

辨色

蠶子初下色黃、次轉青色、過六七日又轉黑

色、將出變綠色、又變灰色、變灰色則不日即出矣、

初出色黑、三日後漸變白色、又變青色、復變白色、

又變黃色、則頭眠矣、

將眠色白、眠定色黃、

頭眠起後微黃色、

又由黃而白、由白而青、復由青而白、由白而黃、則

二眠矣、三眠大眠色亦如之、臨老微黃色、已老微

紅色

蠶性二則

好惡 蠶陽物也食而不飲尿而不尿自初生至老

山做繭時聚而不散守而不走  
先撒尿耳聚而不散守而不走者未老之先有遊走

後有遊走者喜潔惡穢  
欲作繭也喜潔惡穢好蠶頃刻變成黃色不復

食葉三日後輒死故養蠶人身手皆宜潔淨  
房內不可放便桶溺壺及一切臭穢不潔之物喜

靜惡喧凡蠶房內忌哭泣叫喚怒罵忌敲擊門窗棹

喜燥惡溼傷溼則生白醭貼沙  
喜陽氣惡陰氣

陰氣所蒸損必多白殭晴  
喜通風惡迎風  
不遇風

煖時須開窗以通陽氣

不除天氣晴明時遇南風須捲北窗遇北風須捲  
南窗若迎風開窗則傷風傷風者節長口禁又蠶  
星倉卒開門風由門口暗射予在連喜極寒蟻初  
蠶身謂之賊風後多紅殭  
生喜極煖眠時喜溫頭眠二眠三眠起後喜煖眠大  
以前若受寒冷老時大眠起後喜涼三眠蠶只有  
必爲殭蠶不作繭  
則三眠起後宜涼以臨老喜漸煖上山喜極煖大  
第三次眠即大眠也  
如此養蠶者總在冷煖得宜不可傷冷傷冷則亮  
頭不可傷熱傷熱則腫腳不可傷火傷火則焦尾  
又正當寒時不可令其驟熱驟涼均易生病初生時喜  
不可令其驟涼驟熱驟涼均易生病初生時喜  
暗大時喜明方眠喜暗眠起喜明初上山喜暗成  
窠後喜明

雜忌

忌香氣

蠶屬氣化香能散氣故聞香氣則焦黃而死凡麝檀等香及一切辛香之物皆不可

入蠶屋

忌油腥氣

蠶屋內及近蠶屋處均不可煎炒

忌酒醋氣

帶酒人不可切葉

忌蔥韭蒜薤薑椒苦蕒氣

食蔥非蒜薤等物者不可入蠶屋以臭氣自口出也手有

苦蕒氣令蠶青爛食苦蕒者亦不可入蠶屋

硫磺煤炭氣忌燒皮毛骨頭忌漆

飼蠶處勿

熏不特不可熏柴草煙即將油捻子紙煤子在蠶屋內吹滅亦不可吸煙者向蠶吐之蠶口立流

黃忌沾灰塵忌沾燈油無論燭油菜油麻油桐油

沾油蠶食忌蠅蠅集蠶身忌鼠鼠喜食蠶故養忌

穢語淫辭忌生人及凶服人入蠶屋生人進門及在門外叫喚

蠶卽變壞、或沿篩遊走、或不食葉、凶服人入屋、蠶多暴死、

### 蠶屋七則

宜向南 以坐北向南爲上、坐南向北、坐西向東次

之、切不可坐東向西、

西風非長養之氣、且當西曬、

如有西窗宜

於窗外搭棚、

遮西曬也、

宜高廣

蠶屋不可太低

太低則不免鬱蒸、

亦不可太窄

太窄

則難容盤架、此爲蠶多者而言、若養蠶不多、屋雖窄狹、亦未嘗不可、

宜疏爽

屋前勿留大樹、

濃陰密布、遮蔽陽光、

屋後屋左屋右

勿接偏厦、

南厦隔陽氣、北厦隔陰氣、

附地宜開風竇、

除溼氣也、竇形如貓

洞窗戶宜用捲紙便啟閉也

宜明亮 屋之前後均宜開窗窗臺離地只須二尺

五寸不必太高太高則屋內黑暗難辨眠起屋頂宜開亮窗每

閒開二三處助光明也

宜乾燥 蠶屋內用地板最佳如無地板則地下用

蘆蓆鋪墊四壁用草薦圍襯收潮溼也屋舊則預先泥

補熏乾蠶生前幾日以牛糞煨火熏之熏時須合閉門出煙煙盡仍閉若逼近蠶生之時始

行泥補則牆壁溼潤多生白蟻貼沙之病

宜潔淨 切不可近臭穢處屋內塵埃亦須預先打



埽

宜養貓

鼠喜食蠶一二眠之後便來偷食上山做

繭之時又來咬繭故蠶屋內必塞鼠穴並養貓以

捕鼠

蠶食

三則

可食

桑葉之外可食者六一曰蒿

白蒿可食一曰蒿

莧

大眠起後桑葉缺少則以

一曰柘

柘葉堅硬非

惟三眠起後及大眠起後可先餵柘葉後餵桑葉所以必先餵柘葉者以柘葉不如桑葉之美既已食過桑葉必不肯再食柘葉也詳三一曰綠豆粉眠起後第二則大眠起後第二則

一曰白米粉、一曰桑葉麪、豆粉米粉桑葉麪均詳蠶料第一則大眠起後

則第二

不食 桑葉有蠶不食者四、一曰芽薺、萌芽初出謂之芽薺俗名

眼頭其味苦澀 一曰毛背、毛背桑葉濇而 一曰金葉、葉上有黃

斑者謂之金葉亦名金桑 一曰油葉、色黑若有油者謂之油葉

此因筐內貯葉過於緊實所致

不可食 桑葉有不可令蠶食者十一、一曰雨葉、雨後

摘下者謂之雨葉既溼且寒大眠以前食之則變褐色生瀉病即或不病老來必成氣水蠶不作繭

一曰露葉、露未乾時摘下者謂之露葉惟大眠起後遇天晴無霧可用帶露葉因露為天

<p>成氣不熱頭之糞亦則者蠶沽遇好葉、酒、蠶、</p> <p>白水用葉大則腹過不蠶謂食沙有蠶則霧食能</p> <p>肚肚可同尾腹七日肯身之之謂之老中食之補</p> <p>蠶藥眠而焦結日眠矣粗臭則病黃須上摘好</p> <p>藥而一曰枯葉摘下之葉被風吹乾者謂之</p> <p>不用食之亦一曰奄桑葉過三年者</p>	<p>蠶食之曰軟死大眠以前食之亦生瀉病一曰霧</p> <p>謂之霧葉霧有毒大眠以前食之</p> <p>吐蠶肚子下有白水流出沾在</p> <p>如死一曰黃沙葉遇大風時塵</p> <p>關閑</p> <p>一曰臭葉甫經澆糞即便摘</p> <p>肥葉穢氣未退大眠以前食之</p> <p>光亮如油漆謂之肥青當眠時</p> <p>如澆一曰熱葉烈日中摘者謂之</p> <p>忌一曰熱葉烈日中摘者謂之</p> <p>一曰枯葉摘下之葉被風吹乾者謂之</p> <p>一曰氣水葉摘下桑葉堆積過久一</p> <p>一曰奄桑葉過三年者</p>
--	---

所生之葉謂之奄桑葉小蠶不可食食則生病大  
眠以後桑葉缺少可用奄桑葉餵之葉多者不必  
一曰大麥地內桑葉蠶食之即壤故桑樹之下不  
可栽種大麥種桑樹者宜牢

記一曰雞腳桑葉即花桑葉也其葉甚薄邊有  
缺齒以之飼蠶便成薄繭

食料 桑葉麪深秋桑葉欲落時趁其未黃即將葉  
摘下以採早則傷來年桑眼遲則自

落少津液也臘月內搗磨成麪收頓無煙火處春  
蠶大眠後患熱病以桑葉麪治之如有餘剩餵牛

羊甚 綠豆粉臘八日以新水浸綠豆薄攤曬乾磨  
細成粉或臨時將綠豆浸溼俟生芽

後曬乾磨粉亦可蠶大眠 米粉淨淘白米蒸熟作  
後種葉餵之可解熱毒 米粉粉用與綠豆粉同

火料 牛糞牛喜蠶砂蠶喜牛糞冬月收牛糞曬乾  
春煖時搥碎拌水拌築成餅於蠶屋內

燒之、最乾柴、絲忌煙熏、黃蘭之柴、為有益

糝料 糝灰 將稻糝煨焦存性、自初出至三眠、每體

即撒糝灰於蠶身、最能收潮、蠶石灰、宜陳不宜新、宜細不宜粗、眠

身、最易於退殼、收溼氣、且易於退殼、

蓐料 茅草 臘月收茅草、搗輾作蓐、稻草麥草皆

作蓐、然稻草不如茅草、麥草又不如稻草、

箔料 蘆葦 秋冬間收蘆葦、織而為箔、箔上可安置蠶山、

簇料 鐵掃帚 一名千頭子、即地膚、茱子梢、作蠶山


稻草 可作蠶山、麥草亦可作蠶山、

薦料 稻草黃野草皆可作

盤料 竹取臘月砍伐者編  
爲蠶盤則不生蟲


蠶具三十則

蠶 連



蠶連用紙爲之又名蠶  
種紙以裱過厚皮紙爲  
上紙薄則不以絲湯泡  
禁洗浴絲湯即煮繭  
過者爲佳鍋內之湯種  
紙不用絲湯泡過則種  
在紙上易於脫落泡過  
之後須曬用布作連更  
令極乾布不拘新舊以方爲  
好貴布若尖斜則布上  
之蛾往往生子於布外


篩 蠶



篩以細篾編成、圓徑一尺餘、邊高一寸、底即米篩也、篩如胡椒眼、用竹紙糊好、以盛小蠶、浙江人謂之籬、




盤 蠶



盤盛蠶器也一名蠶筐  
 襄陽人謂之淺子、湖南  
 人謂之盤箕、浙江人謂  
 之簍、亦謂之曬簍、以竹  
 編之、圓徑三四尺、邊高一寸五分、淺  
 子盤箕曬簍、即筐之邊  
 淺而底密者、擱於架上、  
 以盛大蠶、

卷之三

架 疊



前左柱  
後柱  
前右柱

架以承盤一名蠶植又名蠶槌犬小架皆三角式  
大架用直柱三根前二後一高八尺每柱各開八孔  
每孔相去各八寸必相去八寸乃可容蠶盤進出中設橫檔八層  
每層用前檔木一根長六尺一頭嵌前左柱孔內一  
頭嵌前右柱孔內每層前檔木之中閒俱平鑲一  
短樺樺長四寸後檔木一根長三尺一頭嵌後柱孔內一  
頭裁成樺口銜於前檔木之中閒短樺上短樺及  
樺口對穿一孔用竹釘綰住以便轉移摺疊小蠶  
用小架高四五尺闊四尺餘與大蠶架同

無力之家不能備木架者可用粗椶繩三根麻繩亦可

從屋梁檁子上穿過垂下至地爲直柱前二後一與木架直

柱同木棍拴繩上爲橫檔竹棍亦可每橫檔相去各空七


八寸另釘一粗木椿於地將垂下繩尾緊拴椿上

不令動搖繩動搖則盤內之蠶驚動每一架亦可

安蠶盤七八層候蠶事畢將繩棍收束置空閑處

來年仍可取用此亦簡便方法也

蠶 筷 子




筷以竹爲之，長八寸，比常用筷子略細，一頭削尖磨令極光，爲夾取小蠶之用。

匙 盤




匙以桑木爲之或竹片  
亦可大小不等總以光  
滑爲佳以備分開小盤  
之用

杓 蠶



杓以桑木爲之或無氣  
味之木亦可其首大如  
酒杯其柄微曲柄長二  
三尺如蠶盤內布葉不勻則  
用此杓盛葉以補其處


蠶 網




網之長短闊狹視蠶盤之大小  
此擡蠶要物也古法用新細麻  
繩織網或塗以生漆或塗以豬  
血仍以粗麻繩穿邊甚足耐久  
若貧家力不能辦可購取爛魚  
網照蠶盤裁剪補綴完好用細  
篾絲穿邊亦可適用網眼有疏  
有密擡小蠶宜密眼擡大蠶宜  
疏眼



飼蠶凳



十字架



圓木直柱

凳以厚重為要高二尺，凳面鑿一圓孔，凳腳左右兩

檔中另安一橫檔，橫檔中間鑿一圓窩莫鑿穿，與凳

面之孔相對，別用圓木為柱高三尺，柱頂安二檔，如

十字形，插入凳面孔內，直貫橫檔上之圓窩，飼蠶


時以此十字架承蠶盤，左旋右轉無不如意。

地蠶堯




堯用六足足高一尺而寬一尺身長七尺八寸以堅固爲要布蠶於地飼蠶之人無從駐足須登此堯飼之

箔 蘆




箔以蘆葦織成長短闊  
狹無定制其形如簾故  
又謂之蘆簾非此則蠶  
山無從位置

# 草 梳




梳以堅木爲橫梁用鐵釘四五枝排釘橫梁上橫梁長七寸鐵釘長四寸兩頭皆尖橫梁之旁安一木柄柄長五寸繫山帚時以梳草梢之散亂者

# 山 帚




卽蠶山也、鐵埽帚最佳、  
糯稻草次之、麥秸亦可、  
高二尺餘、圍五六寸、紮  
山帚法、詳紮山第四則、

蘭 籃



盛蘭於籃、以稱斤兩、編  
細篾爲之、大小不等、總  
以光滑爲佳、

火 炕



火 窩

炕之四圍以火磚砌牆

或土磚亦可

形如炕牀

高一尺六寸七寸

寬二尺長三四尺

炕之檔頭開一火門

從平地開

起高一尺

餘寬五六寸不可過高

火門外邊平地挖一火

過寬恐火氣不緊也

窩以盛薪炭

此窩緊靠火門方寬長各四寸五寸深亦不過四寸

緊靠火

門之上偏安石板一塊內高外低形如屋簷以罩

火窩

窩內火氣上衝被外邊低簷關住自然折入

縫內如恐偏安不穩即於火門兩邊用磚直砌托住石板形似竈門火氣更緊

緊靠石

板之上安橫木四五根

一頭在石板上一頭在對面牆上

形如牀

之橫檔以承箴摺

自火窩裏邊起用土築實漸



次斜上直抵對面盡頭安橫檔處以達火氣炕內不築

斜坡則火氣不勁

斜坡之中開一微窩兩旁略高形如

管箕以均火氣

斜坡上不開微窩則火氣太直不能散布兩邊即或散布兩邊火氣

亦不均勻但窩不宜深深則火氣下陷不能直送到頂

檔上篾摺密留小

孔形如米篩以透火氣


篾摺長短寬窄須與炕內空處一樣切不可短窄恐

翻動時漏出氈繭也摺內盛繭摺上空六七寸可盛多繭

繭上另用篾摺


蓋好以聚火氣

撈絲帚




撈絲帚一名做絲手以帶節竹一片爲之寬二寸長八寸竹節須留節上劈在六寸之間粗縷七八條形若手指近節處貫以銅絲務使縷析條分以便撈繭出緒

絲車總圖




# 絲竈煙窗



竈宜上寬下窄或用缸竈或以  
 磚砌皆可竈之內外須以石灰  
 和泥厚塗之鍋口之四圍亦以  
 泥護之不可漏煙 煙窗用薄  
 篾條環繞編成上口比下口略  
 小高出屋簷下口圓徑六七寸高約丈餘內  
 外均用灰泥厚塗竈門兩旁將  
 磚砌起以煙窗置其上則煙出  
 竈門即直衝煙窗而出矣

車 牀

後右柱 後左柱 前右柱 前左柱



後二柱安軸前  
二柱安絲秤  
前二柱之前面  
橫梁短柱安牌  
坊


上樁處於孔間最北之樁此套圓中娘

內口處於頭邊梁下牌之樁此嵌樁左橫坊

上梁截柱前梁處於板以上之橫下右及橫此欄木


絲杆頭上圓孔套於此處圓樁之上

牀前面



樁圖

牀左面



之處邊車內樁入樁頭左

牀娘繩一頭套於車軸蜂腰之上


前左柱

上

下

脚踏板之工字樁頭嵌

柄此孔頭直脚正軸於圓條板之處套上木路



展娘到上穿於一壯之環於一腰此可環腰上蜂壯頭之處套繩

牀後面

後左柱

之圓此實之絲  
內孔處於尾秤

狀右面

車邊掙軸  
之處於此頭右  
內，口

牌  
邊坊  
下長  
頭截  
之柱  
處右

方孔

圓孔

右前柱

即前

右柱

橫上

檔

橫下

檔

右後柱

即後

右柱

標口

絲秤之  
尾貫於  
此處圓  
孔之內

圓孔

秤

前右柱

檔

橫

檔

橫

內樁於此處  
口之處

上對對

右柱

上對對

車軸

圓圓之軸  
一

以  
前掙  
及橫  
上石  
之壓  
板之  
上木  
梁處  
於左  
下板

車牀形方牀之四角各安一柱四面各安橫檔二

層檔之兩頭各有方樵嵌入柱內

前檔後檔均橫長一尺三寸六

分左檔右檔均橫長一尺零六分嵌入柱內之樵頭均在一尺三寸六分一尺零六分之外

左右上下檔與前後上下檔高低不一

左右下檔各去地一

寸八分左右上檔各去地一尺四寸二分前後下

檔各去地三寸前上檔去地一尺五寸後上檔去

地九寸後上檔去地尺寸所以較前左右上檔獨

低者因車軸架在後二柱之頂此處上檔低則上

檔之上地步空闊可容貫腳轉旋也

後左角後右角各一柱柱頂

各開樵口以承車軸

柱高二尺零五分寬三寸厚一寸四分樵口寬一寸深一

寸五分

前左角一柱柱頂裁成直樵以貫牝孃墩



柱高二尺零八分寬二寸八分厚一寸四分樺頭

徑九分圓圓二寸七分高一寸七分此一寸七分

即在二尺零柱腳裁成樺口以套踏腳底板之

八分之內

工字樺頭樺口靠地寬八分長一寸四分

前右角一柱柱頂橫

鑿一孔以套絲秤

柱高二尺一寸五分寬二寸八分厚一寸四分孔寬一寸高五

分

前左前右二柱之前面各安一小橫梁前左

柱橫梁之上安一短柱短柱之頂裁成樺口以嵌

牌坊下橫梁之左邊樺頭前右柱橫梁不安短柱

只於橫梁盡頭處鑿一方孔以承牌坊右邊長柱

之下截樺頭

橫梁長五寸寬一寸厚一寸去地一尺六寸短柱高二寸五分寬窄與橫


梁同樺口長一寸  
寬六分深入分

二柱之前面下截靠地處各


安一小橫梁以木板攔橫梁之上以磚石壓木板  
之上庶免車牀移動

雙絲眼牌坊


上橫梁



又牌坊式



下橫梁側面



此式右邊多一長柱，中間長柱改為短柱，其餘式樣俱同用法亦同。

牌坊上下橫梁各一下橫梁左右兩頭均裁成方

樅

下橫梁長一尺三寸八分樅頭在外

右邊樅頭嵌入右邊長柱之

下截橫孔內左邊樅頭嵌入車牀前左柱之前面

橫梁短柱樅口內下橫梁中間直開一孔上橫梁

中間及左右兩頭亦各直開一孔

上橫梁長一尺五寸五分

右邊長柱一上下兩頭均各裁成方樅

柱長一尺五寸八分

樅頭在外

上截樅頭嵌入上橫梁右邊直孔內下截樅

頭嵌入車牀前右柱之前面橫梁直孔內下截樅

頭之上橫開一孔以承下橫梁右邊樅頭中間

長柱一上下兩頭均裁成方樅

柱長一尺三寸五分樅頭在外

入上下橫梁中間直孔內

響緒在中柱之兩旁

左邊短柱

一上截裁成方樅嵌入上橫梁左邊孔內

短柱倒懸於上

橫梁之下長二寸五分粗細與長柱同

短柱長柱均平穿一孔用

細篾一條

鐵絲亦好

橫貫孔內以綴響緒

下橫梁之

前面開二孔

此孔與彼孔相去四寸五分

另用小方木二段長

寸四分寬六七分

一頭平鑲下橫梁孔內一頭破一小口

以安做絲眼

做絲眼

一名絲窩以銅條為之長三寸

一頭搥匾插於下橫梁短

木之橫口內一頭搥匾鑽眼鍋內之絲從此眼內  
度出搭上響緒眼須光滑庶免劃斷絲縷如屈銅  
爲鉤絲縷一挽卽入無庸穿度較之用絲眼者更  
爲簡便

響緒


用小竹爲之長四寸圍圓約四寸

兩頭留節中刻條縷節上

穿孔貫篾條上鍋內撈起之絲先度入做絲眼內  
再由絲眼搭上響緒


三絲眼牌坊

上橫梁



下橫梁

下橫梁側面




做絲眼 做絲眼 做絲眼

雙絲眼牌坊長柱二短柱一響緒絲眼各二三絲  
 眼牌坊長柱二短柱二響緒絲眼各三初學繅絲  
 者用單眼善繅者用雙眼最善繅者用三眼至絲  
 之粗細視絲眼下用繭之多少絲眼粗絲眼用繭  
 少則不在乎絲眼之多少也

坊牌上鍋


梁橫上



梁橫下

此式豎看

頂坊牌



梁橫上

此式平看

底坊牌




梁橫後

此式平看

直柱

直柱



此式側看



上下橫梁各一上橫梁長一尺三寸五分 中閒

直柱二根每根長一尺五寸 二直柱之下截離下橫梁約一

寸五分遠各平鑲短木一截短木各長一 短木頭上各

安送絲鉤一枝 上橫梁中左右各平鑲短木一

截短木各長三寸 短木中閒各安響緒一箇是為牌坊之

頂 下橫梁之後平鑲短木二截短木各長二寸 再於短

木盡頭平鑲橫梁一根此橫梁比下橫梁短二三寸 是為牌坊



之底 此亦雙絲眼牌坊式也 三絲眼應用直柱

三根送絲鉤三枝上橫梁平鑲短木四截安響緒

三箇餘俱同

前式牌坊或雙絲眼或三絲眼均嵌在車牀之上此式牌坊或雙絲眼或三絲眼均擱在絲鍋之上如用前式卽不用此式如用此式卽不用前式

# 絲秤



用雙絲眼牌坊者，絲秤上送絲鉤二枝，用三絲眼牌坊者，絲秤上送絲鉤三枝。

絲秤俗名抽鎗

所以制絲使之橫斜上軸也

以木條爲之

身長二尺

頭寬一寸尾寬四分

自頭至尾由寬而窄秤頭開一圓孔套於牝孃墩

小直柱上

孔比牝孃墩直柱略大

秤尾貫於車牀前右柱孔

中

送絲鉤以銅爲之


鐵亦可

一頭釘絲秤之上，一頭屈

而爲鉤鍋內之絲由絲眼引上響緒挽入此鉤再

由此鉤搭上車軸

# 繩墩孃牡



牡孃墩以桑木爲之面平底平腰細面各圍圓八寸六分腰正中開一直孔貫於車牀前左柱圓樺

上中腰週圍削凹如蜂腰形或八稜或十稜以環

牡孃繩墩上兩耳各橫穿一孔耳高八分以小木作門

一頭橫貫兩耳孔內一頭留孔外作橫梁門長五寸六分

一頭寬四分長三寸餘貫兩耳孔內橫梁上安直柱


一根上半截削圓以承絲秤直柱長四寸下半截

筆管長二寸五分

牡孃繩以綿絞者爲上機絞者次之長約四尺兩頭交

結使緊前套牡孃墩蜂腰上後套軸柄上中閒須  
交互一轉方能使墩隨軸而運絲之成片必由於  
墩墩之靈否半由於繩繅絲時常須照顧

# 車 軸



軸之四面各  
安貫腳一具



車軸以堅木爲之軸右邊盡頭處裁爲圓樅嵌入

車牀後右柱樅口內左邊盡頭處留一短筒軸身

之左短筒之右裁成圓樅嵌入車牀後左柱樅口

內軸身長一尺三寸樅頭與短筒均在一尺三寸之外軸中間圍圓九寸兩頭近樅處圍圓八寸

短筒長三寸六分圍圓七寸樅頭長一寸五分圍圓三寸樅頭嵌入樅口不可太緊太緊則運不動


取出短筒靠圓樅處削成蜂腰形並起八稜以環

繞牡孃繩蜂腰口寬一寸三分深五分圍圓五寸五分蜂腰之左鑲直


木一條短筒長三寸六分除去蜂腰一寸三分尚餘二寸三分即在此二寸三分之中開闢

一方孔安直木一條長五寸寬一寸厚一寸直木將盡頭處鑲橫木一

條以作軸柄直木下截將盡頭處留五六分即在此五六分之上開一橫槽以鑲橫木  
橫木長四寸六分一頭長二寸一分粗細與直木同其形方即在此二寸一分之中間開一橫槽鑲入直木橫槽之內一頭長二寸五分削圓為柄  
 執此柄搖轉如紡線一般善縑絲者用腳踏車即將腳  
 踏板上之橫木條圓孔套於此柄之上



木 打



貫腳四具安於軸身四面以襯絲縷每貫腳用橫  
梁一根直柱二根橫梁之上開鑿二孔以二直柱  
寸五分榫頭在外寬一寸二分厚八分橫梁  
長一尺二寸六分寬一寸二分厚一寸二分四面  
貫腳三面嵌緊一面用活者可裝入亦可取出軸  
上鑿一橫槽活貫腳正面槽長四寸二分寬八分  
反面長三寸八分寬七分深以兩面  
開通以活貫腳之兩柱嵌入槽內盡頭處兩柱中  
間尚有空槽以朽木嵌入空槽用槌重擊貫腳自  
緊

朽木一頭大一頭小長五寸自大頭至小頭由寬  
而窄大頭寬二寸二分厚八



分小頭寬一寸 二分厚七分 嵌入活貫腳兩柱之間重擊大頭

則貫腳緊重擊小頭則貫腳脫

車衣以布爲之貫腳橫梁之上用布蒙其四圍謂之車衣所鑲絲縷由送絲鉤搭上車衣軸旣旋轉絲自環繞車衣之上卸架時連衣揭下



鞋板正面

踏腳板



鞋板側面

底板



踏腳板以堅木一片為底板長九寸寬三寸厚六分一頭裁

樺如工字形套入車牀前左柱腳下樺口內樺頭板

寬七分長一寸五分車柱樺口靠地以底板樺頭套入車柱樺口則底板被車柱壓緊腳踏之時自

不至於一頭安兩耳耳上各橫穿一孔耳高二寸五分安於

底板面上孔寬四分再以木板一片削成鞋底樣

離底板一寸三分長八面要平底不要平底下前六寸由薄而厚薄處三寸厚處一寸四分後

二寸由厚而薄厚處一寸四分薄處六分便不失

之太平底下太平則腳踏鞋板時鞋尖雖已落地

而鞋板尙不甚斜不過微起微落而已鞋板既微起微落直條橫條即不能大起大落直條橫條既不能大起大落車柄車軸即不能旋轉如意前宜寬後宜窄由寬而窄

寬處二寸六分窄處二寸寬處可以踏腳窄而且厚之處旁綴

二樺穿入底板兩耳孔內樺頭宜圓不宜方方則連不動鞋板宜略小於

孔不可嵌得太緊太緊則鞋板踏不動矣又鞋板之下底板之上須空寸許不可緊貼緊貼者亦踏

不動鞋板另用直木一條長一尺七寸寬一寸二分厚五分以一頭嵌

入鞋板木嵌在鞋板至厚之處以一頭開一小孔又

用小木一條長一尺七寸寬一寸二分厚三分一頭開小孔與直

木小孔相對用竹釘綰之不可太緊太緊則一頭橫木轉不動矣一頭

開圓孔橫貫於車軸之柄孔比軸柄略大兩木條一直一橫形如曲尺


踏動鞋板則鞋板帶動直條直條帶動橫條橫條

帶動軸柄軸卽隨之而轉矣如不用小橫條貫軸柄則以麻繩縛直木之頭而另用老筍殼浸溼作紐套上軸柄下接麻繩以運動車軸更覺輕靈

車制自車牀起至腳踏板止皆浙江人現用之式襄陽絲線鋪所用絲車亦以腳踏與浙式大同小異但車牀過高絲竈須高與肩齊纒絲者可立不可坐婦女纒絲似不如浙式爲便緣業蠶之家多以女工纒絲不比絲線鋪纒絲專用男工也





# 火盆




火盆有大小兩種結蘭  
時山棚之下熏灼蠶身  
用大火盆繅絲時車軸  
之後烘炙溼絲用小火  
盆

綿豁



綿豁又名綿矩大小不一以木板爲底兩頭各鑿一孔用厚竹片一條彎轉兩頭插於孔內其形如弓以綿蒙於弓上向下拉扯則綿形外圓而中空方者用木爲框以綿蒙框上向下拉扯則綿形外方而中空

# 叉 綿



綿又以銅爲之叉下鑲木幹長約二三尺粗如指

墜梗以竹爲之長一尺粗如細箸削令光圓一頭留節貫

錢十餘文使之重墜一頭刻成螺旋深紋使線嵌

入螺紋不致脫落蘆管以蘆爲之長六寸可以竹爲之亦可套

於墜梗之上

蠶母 四則

男婦皆可作蠶母 蠶室一切事宜均以蠶母為主

除未滿月之產婦不可作蠶母外其餘男婦皆可

爲之某婦命裏不宜蠶某相屬不宜蠶乃陰陽師

巫及鄉間愚婦之言必不可信農桑一理天下無不宜農之男子豈

有不宜蠶之婦人

潔淨 蠶母養蠶手宜潔淨勿飲酒勿食蔥蒜等物

勿佩香囊均詳蠶性第一二則勿頻換顏色衣服

精細 蠶自初生至結繭或眠或起或小或老各有

其狀

詳蠶種第二三頭眠二眠三眠

大眠並眠起各則

或宜煖或

宜涼或宜明或宜暗

詳蠶性第一則

各有其時切葉

詳飼葉第

一餵葉

詳飼葉第三四五六七則

體蠶分蠶

詳易器第一三四則

各有

其法蠶屋蠶食避忌尤多

詳蠶性第二三則蠶食第二三則

蠶母須

事事用心時時留意

辛勤 養蠶之時合家大小無不忙迫蠶母尤不可

躲懶夜間切勿貪眠

採桑

五則

採桑有次第

擇其色之較老者先採之而留其嫩

者以待其長切不可傷其芽芽青方長略遲旬日葉便長足較之

此時有數蠶初生時食葉甚少只可採其底瓣底

十倍之多者芽青旁邊先放之一兩葉也二眠以後食葉漸

多仍採底瓣底瓣已盡則採瞎眼瞎眼者芽青只放兩三葉而其

中心已無未放之芽雖留之長亦不三眠以後食

葉愈多然尙須辨其老嫩先採老者後採嫩者至大眠以後

則桑已長足可開翦矣開翦者謂連枝帶葉一併翦下也桑有遲早開翦自

有先後以長足爲度可也

採桑有時候採葉之時宜晴明遇雨遇霧遇黃沙

勿採宜辰刻宜申酉刻晝時所食之葉宜於辰刻採之夜間及明日清晨所

食之葉宜於黎明中午勿採黎明露水未乾嫌溼申酉間採之

宜糞後二三日甫經澆糞勿採

雨前採桑 天時難識晴雨卻有常理大約育蠶時

候或聞鳩喚或見羣蟻出穴或家雞上籠過遲或

連朝大霧或天氣過熱都是將雨之徵便須採足

二三日之葉以爲之備葉少則以缸甕鬆鬆儲之

葉多則於無風日處鋪竹席於地鬆鬆堆之但屋

小地狹者攤葉於地太薄則葉無放處且易焦枯



太厚則溼熱熏蒸蠶食之必病不如貯以篋簍較

爲穩妥

將葉鬆貯簍內厚四五寸一日夜翻四五次令下面之葉轉而在上中間之葉轉而

在旁即存二三日亦可免潮熱之虞且無枯焦之患簍上加簍自地面至頂可積十餘簍桑簍詳桑

具第十  
三則

雨中採桑 雨前採葉不過預備三二日之用儻食

盡預備之葉而雨仍如故則不得不於雨中採葉

所採之葉以布夾之少頃即乾

新布惟白者可用舊布則不拘顏色

以清水淘過之乾麥白米稗之亦少頃即乾

未淘者恐

有大眠以後需葉甚多則翦取長條於有風而雨

點不到處懸之亦少頃即乾

蠶惡水溼故乾而食之凡不得已而採露

葉霧葉黃沙葉者均宜拭乾洗淨纔可餵蠶

若以隔年臘月所製桑葉

麪拌溼葉內不特可收乾溼氣而且有益於蠶尤

為妙法

桑葉經霜可解熱毒六七八月採者其味多辛蠶不多食製桑葉麪法詳蠶料第一

則或預作木架如松棚式

廣一丈四五尺深亦如之高過於桑架上

覆以葦箔張之桑樹之上雖於雨中採摘葉卻仍

舊乾鮮亦善法也

或一日而移或兩日三日而移既可避雨又可避露避日葉乾

而鮮免生蠶病又省人工且一架可備數年之用可謂一舉而數善備焉但桑樹修剪得法樹身高不過五尺方可以木架罩之若聽其生長樹身太高便不能用此法又大眠後桑葉已老越宿經日

葉尚新鮮，不必用此法。

買葉飼蠶，蠶多而桑葉不足，須約計所少之數，預

先買定。葉價貴賤，難以逆料，預先買定，必平價也。併須言明夏至後幾

日翦採。早則夏至後三日遲則夏至後五日，不先言明，恐買者欲早賣者欲遲，易滋口舌。

勿買金桑葉，勿買毛背桑葉。詳蠶食第二則。勿買雞腳桑

葉，勿買大麥地內桑葉。詳蠶食第三則。勿買遠道桑葉，如

不得已而買自遠處，行二十餘里，即須放風一次。

買來之葉，須用筐挑運，路太遙遠，不能不緊按筐內，按之過於緊實，隨時即油，須於中途擇有風無風之處，發而鬆之，名曰放風。油葉詳蠶食第二則。

飼葉 七則

切葉有粗有細 切葉之粗細以蠶之大小酌之

所以必切者以切蠶初生時所布之葉宜細如絲則易勻且較省也

線初眠起後可寬一分二眠起後可寬三分三眠

起後可寬五六分至大眠起後則可食整張大葉

但去其枝與甚而已

若蠶多人少之家三眠起後餵切葉三四次便可停切

食葉有疾有徐 食葉之疾徐不盡關乎冷煖初起

時食不甚疾將眠將老時亦不甚疾其最疾者中

間之三兩日耳

飼葉勿間晝夜

養蠶無巧食足便老故蠶必晝夜

飼頓數多者速老頓數少者遲老老速者將眠未

眠之時及大眠後數日尤爲要緊此時勿令稍餓

大眠以前受餓則老來頭內空白不做繭謂之亮頭蠶大眠以後受餓則絲少

飼葉務要均勻

每布葉後須再繞盤細看何處葉

未有到卽用蠶杓盛葉將何處添補

不均勻則餓飽不一眠起

必不能齊精杓詳蠶具第七則

飼葉須酌量加減

蠶有三光白光向食青光恣食

皮皺爲飢

黃光以漸佳食故飼蠶之節必視蠶所變之

色爲加減不可過亦不可不及當減而加則失之太過太過則傷傷

則禁口不食生病而眠遲當加而減則失之不及不及則餒餒則氣弱生病亦眠遲而薄

飼葉須斟酌厚薄蠶小布葉宜薄蠶大布葉宜厚

大眠以後蠶老以前布葉宜極厚每將眠時布葉

宜頻且宜薄每眠起時布葉宜薄且宜緩

飼葉須分別眠起古人眠起取齊之法至周至密

擇種下子寫記日期以同日所生之子爲一起連

上如有空缺卽日補滿此齊於收種時也詳留種第五則

鹹種以鹽醃之淡種以石灰醃之去其子之無力

者此齊於浴種時也

詳浴種第一二則

生蟻之時將蠶連

置懷中者則表裏互易不置懷中而裹以綿花者

則以中層與上下層互換使煖氣均勻此齊於煖

種時也

詳生蟻第三則

蟻出之後同時下連先後下連之

蟻各置一器此齊於收蟻時也

詳收蟻第一三則

下連

有先有後先者減頓後者加餐此齊於育蟻時也

詳育蟻第二則

如法行之種齊蟻齊眠起自無不齊之理

然究未有一時盡眠一時盡起者所以昔人又有

抽飼斷眠之法抽減已眠者之葉專飼未眠之蠶

如十分中有三分黃光、則是眠者三分、未眠者七分、  
分即抽減桑葉三分、而以七分葉專餵未眠之蠶、  
如十分中有黃光七分、則是眠者七分、未眠者三分、  
分即抽減桑葉七分、而以三分葉專餵未眠之蠶、  
已眠未眠、同置一器、其說必不可從、  
黃之中有由白而漸黃者、與純黃不甚相遠、頻飼以督之、猶可  
相及、若已見純黃、又多青白、則與純黃相去遠甚、  
飼雖頻、亦不能及、且蠶眠一晝夜、以安靜不擾為  
得所、今以青白者尚多飼而亂之、動而躁之、則先  
眠者失其所矣、迨青白未眠者變而欲眠、則前之  
眠者已起、因後者方眠而停起者之食、起者既不  
堪其饑、因前者已起而不停起者之食、眠者又不  
不可從、其餘收種浴種煖種收蠶育蠶諸法、一  
照行、尚不能一時盡眠、一時盡起、若不照行、則種  
類亂雜、眠起之前後相去更遠、故收種  
浴種煖種收蠶育蠶諸法、亦不可廢、  
飼蠶者須



分別眠與未眠、未眠者另置他器、頻飼以督其眠、已眠者置之靜室、以俟其起、詳頭眠二眠三眠大眠各條

易器 六則

替子宜體、蠶屎桑渣謂之替子、以此盤之蠶、移置

彼盤、抽出替子、謂之體刮、亦謂之擡體、出蠶屎桑渣、浸土窖內、俟其腐爛

取以糞田、極肥、糞桑亦極肥、並非棄物、蠶屎乾鬆者、無病、溼潤成片

者、有病、有病宜體、無病亦宜體、不體則桑渣既厚、蠶屎又多、溼熱熏

蒸、無病者亦必生病、後多白瘰、或身上黃糙、或頭上頸上發黑點、黑斑、甚有偏身俱生黑點、黑斑者、雖一樣吃葉、卻不生、絲腸到老必不做繭、大約初眠以前、隔兩日體一

次、初眠以後、隔一日體一次、二眠以後、每一日體一次、若天氣過涼、則應隔一日二日者、多隔一日亦可、若天氣過熱、則須一日一體、不必拘隔日之法、各省地氣寒煖不同、天時冷熱遲早亦不一、律且有忽冷忽熱之時、相時體刮、不必拘泥、每次將眠之候、體刮尤爲緊要、詳頭眠第一則

蠶大宜分 以一盤之蠶、分爲兩盤、謂之分蠶、初生如蟻、頭眠時、大如衣線、長約半分、二眠時、粗如綿紗線、長約一分、三眠時、粗如麻線、長約二分、大眠時、粗如錢繩、長約五六分、大眠起後、餵葉一晝夜

便可長至寸許臨老時約長二寸不分則漸長漸大愈大愈擠必

有積壓損傷之患大約新蟻一盤至老可分為三十盤盤蟻

有大有小詳蟻具第二三則

體蠶法 先用礬糠燒灰礬糠即稻穀殼俟葉已食盡之後

用絹篩篩糠灰於蠶上灰宜薄不宜厚必用糠灰者取其爽利也再布

以葉則蠶皆脫灰而出俟其既集葉上或以蠶簍

子輕輕夾出或以蠶匙輕輕挑出置他器內但蠶

身太小最易損傷如用蠶簍子夾小蠶須連葉帶

蠶一併夾出如用蠶匙挑小蠶須略帶蠶屎桑渣

一併挑出庶免傷損蠶身有未上葉者再布葉一次再挑夾一次所遺者必無幾矣棄之可也大眠以前可用此法

蠶筷于蠶匙詳蠶具第五六則此器專爲小蠶而設蠶大則用匙與

筷子不如用手之便

又法 結繩爲網先以網覆蠶次鋪葉於網蠶聞葉香自穿網眼而上俟蠶皆上葉卽提網之四角移置他盤下次再體時又將網覆蠶上葉鋪網上待蠶上網再提起後覆之網連蠶帶葉移置他盤然後撤去先覆之網埽除蠶屎桑渣

如不移置他盤俟蠶上網

以二人執網兩頭連蠶擡起以一人堵除下面蠶屎桑渣然後連網帶蠶輕輕放下下次再體時仍照此行之一網常在蠶下以二網輪流替換既亦可是一法不傷損蠶身大眠以後可用此法前亦可體蠶之法莫妙於此大眠以後可用此法前亦可飼養小蠶葉宜細切葉細而網眼疏恐擡網之時蠶與葉由眼內漏出也蠶網詳蠶具第八則

分蠶法

分蠶宜快

積手不多

則不快

不快則箕內堆

積多時蠶身出汗後必損耗縱

有老者亦必移蠶宜輕

不輕則遠擲高拋互相擊

作薄皮蔭

多懶布蠶宜稀

不得食必至達盤遊走

老翁

蠶架宜留空盤

架上蠶盤無論多少上層下層均

應空留一盤

上可以防塵埃下可以隔溼潤有地  
板者架之下層不留空盤亦可蠶架

詳蠶具  
第四則

蠶盤宜安草蓐

盤上用茅草為蓐草須切細須搗

軟須平鋪蓐上鋪乾淨紙紙須揉軟如綿以數張

粘連為一張

留種 七則

選蠶

養蠶必先留種留種必先選蠶

蠶無病種  
乃無病

選

蠶之法宜於大眠後擇蠶之整齊強健者日以蘇

頭葉飼之

蘇音開枝頭最茂處也  
頭力旺蠶食之其力自旺

比眾蠶更加

小心愛護老則另搭一山置蠶於山上以火烘之

火烘則繭可速成

擇繭

採繭後速將繭外一層蠟透子剝去

蠟透子即繭繖

也然後辨其雌雄

尖緊而腰小者為雄圓漫而腰大者為雌

分作兩筐

一一單排

不宜堆積致傷蒸繭

置於靜室透風處勿搖動

搖動

則受驚雖變蛾而不

能生子俗謂之癡蛾

勿緊靠牆壁也

避鼠約十餘日

而蛾出矣若前此未能選蠶則須於蠶山上半截

擇繭之堅硬潔白者留之

繭在蠶山之下半截者少子

揀蛾第一日出者名苗蛾最後出者名末蛾皆不

可作種惟第二日以後出者可用

留種之繭已出蛾者謂之蛾口

繭須以水浸之留作做綿之用並非棄物詳做綿第二則然雖出在第二日以

後而有拳翅禿眉赤肚焦腳焦翅焦尾黑紋黑身

黑頭諸病者仍不可作種須一一揀出置屋內柴

草上擇其無病者分別雌雄以兩器儲之

先以稻草心鋪

器內使蛾有立腳處乃不至鼓翅盤旋空耗氣力

但蛾出於五更前後者

居多

五更前後蠶蛹脫殼向繭頭上吹氣鑽孔而出

四更時便須有人在

旁看守俗名看蛾蛾出時即將雌雄分儲切勿稍

遲

遲則雌雄相遇即於繭上配合所對之時刻便不能準俗名抱繭對



對蛾 蛾出既多將雌雄併在一處聽其自相配合

俗名鬬蛾又名對蛾 雌雄之數須相當若雌多雄少雄多雌少則留其餘以待

未出之蛾既對之後一一提置空筐關閉門戶以稻草

簾固之勿令見風 見風則易拆散滿筐擾亂亦有

對者將兩蛾提置一處勿令見霧勿令觸臭穢氣

油醋煎熬氣對滿四箇時辰即拆開雄蛾另放一

處俗名拆對 如卯初對者於午末拆之不可拆得

太早 拆對太早則來年多不眠之蠶亦不可拆得太遲 拆對太遲則來年大

眠後多高節而拖白水之病

收子 拆對之後以母蛾提置空筐以蠶連另鋪一

處

蠶連即蠶種紙懸掛時以兩紙相連故謂之連詳蠶具第一則

俟母蛾撒尿後

再勻置蠶連之上

色者次之黑色者疎去勿用不

可疏亦不可密

疏則子有空缺處密則子有堆積處宜頻頻檢點遇有疏密即須移

密補

四面用木界尺攔住

恐其生子於連外也

再以他物架

空蓋好使透風而不見日光

見光則其子遊散

過半日蠶

子便滿連矣

連上寫記日期以同日生之子為一起如有空缺須即日補滿否則明

年蠶出不齊大約母蛾一隻可下子三千餘明年可收蠶

一錢百母蛾下子三萬餘明年可收蠶一雨

母蛾生子之後就連上覆

養三五日再令下連則氣更完固下連之後可置  
屋內柴草上俟十八日後掘淨土爲坑將母蛾雄  
蛾苗蛾末蛾一併掩埋免爲禽鳥所食

有功於人理宜如此

稱連 母蛾未曾下子之先須將空連稱準分兩號

記連背已經下齊之後再將連與子合而稱之便

可約計明年收蟻數目

大約子連重一錢者可收蟻七分重一兩者可收蟻

錢七

掛連 蠶子既滿布連上擇室中潔淨通風處以竿

懸之去其溼氣隨卽摺好縛以小帶掛淨室中高

處

高則不  
至受溼

如恐梅風一起，蠶子破殼而出，則俟竿

懸六七日後，子色變黑，用絹篩篩陳石灰於連上

以制之，再行懸掛，便不出矣。

石灰要勻，不必過厚，以不露蠶子為度。

掛連之處，勿緊靠牆壁。

防鼠嚙也。

勿用麻繩繫掛，蠶惡

麻近蠶，種勿被風磨損。

須以此連之背靠彼連之背，令蠶子向外，否則被風

磨損，子必損傷。

勿觸香臭氣及煙煤薰蒸。

煙氣薰蒸，則胎先蘊熱，後必有

病。掛至初冬，揭置箱篋。

置箱篋不可太早，太早則蠶不眠。

待時而

浴

浴種三則

浴鹹種

浴鹹種以鹽滷

借鹹氣以殺子之無力者無出則所出皆

有力者矣其法有四臘月八日以鹽滷浸蠶連今晨浸

明晨起出泡綠茶極濃候涼置蠶連於茶汁中輕

輕漂淨滷氣

試之以舌絕無鹹味乃可

揀淨處懸掛候乾仍置

箱篋勿壓緊勿近香氣俟明年穀雨時收養此一

法也臘月十二日先將蠶連浸溼次以桑條灰撒

連上

收子之後已篩石灰於連上者浴連時不必再撒桑條灰

摺而浸之於鹽

滷中恐其浮起則以磁器壓之至是月二十四日

取出以河水滌去其灰懸掛候乾仍置篋中此又

一法也臘月十二日先將連上石灰輕輕撲去

此石

灰係收子六七日後次將鹽炒熟候冷勻鋪連上

所篩見留種第七則以不露蠶隨卽摺好浸涼茶中至是月二十四日

將連取出用清水頻頻輕沃之

必須輕沃者恐去漂去蠶子也

其鹽氣聽其自乾照舊摺好以綿衣護之置箱中

此又一法也臘月十二日將蠶連稱準每蠶連紙

一兩用食鹽二錢和水研碎勻鋪連上以手沃溫

水澆之

水不可太熱

約半箇時辰卽將連貯於篩內安

放屋簷上露三晝夜然後收掛高燥處此又一法

也。

浴淡種 浴淡種以石灰其法有三臘月八日以石

灰泡水浸蠶連一日取出再浸於冷茶汁內輕輕

漂去石灰末懸掛候乾仍置箱篋此一法也臘月

十二日用風化石灰置盆內以沸湯沖之候手指

可浸卽將蠶連對摺子在裏面浸於盆底以手掌連按

數周按宜不輕不重按後以雙手托起離水爲度水中之熱氣尙

在不可久浸故暫令出水以疏其氣旋又入水照樣浴之如是者三

次浴畢泡極濃茶亦候至手指可探時將蠶連粘

定之灰末輕輕洗去以竿懸之

如此則子之氣機通暢來年易生易

育此又一法也臘月十二日稱蠶種每蠶連紙一兩用石灰三錢化濃汁勻鋪連上以手沃溫水澆之約半箇時辰取貯篩內置屋上露三晝夜然後收掛高燥處此又一法也

鹹淡種尿毒均須早去 以上各法均係臘月浴連乃爲母蛾上連時已經撒尿者而言若上連時蛾未撒尿則尿遺連上自初生至臘月便溺毒氣已熏汚八九月之久甚違胎養之方須於生子十八



日後遇天氣清明日未出時汲新水浴連約一頓飯時浸去尿毒仍取出懸掛三伏內再以新汲水浴一次至臘月八日或十二日仍照舊法鹹種以鹽浴之淡種以石灰浴之

生蟻

五則

煖子時候 清明後穀雨前取蠶種置懷中或裹以綿花謂之煖子然清明穀雨亦是就大概而言其實各省節氣寒煖不同煖子遲早自不一律大約不論何省不論何節氣祇看桑上生葉大如茶匙

便是煖子之候，以此為準，既不失之過遲，亦不失

之過早。桑葉未生，切勿早煖。

煖子法則：蠶子將出之時，先變綠色。種子只是清水，顏色帶紫。

追紫變為綠，則水化為醴矣。煖子之法，有在未變綠色之先者，

有在已變綠色之後者。桑樹放葉如錢大時，取蠶

連摺好，以桑皮紙包之。包不宜太厚，恐煖氣達不到也。晝則置於

懷中。宜置絮襖之內，裏衣之外，以蠶種得人身煖氣，則子易出也。夜則置於被

絮內，近身處。不可壓。只看通連碧綠，便是轉勻之候。

再用綿花包好，以待其出。由綠色變灰色，次日即出矣。自煖子

至子出約六七日此煖在未變綠色之先也蠶子  
變綠色不時取閱見其又變青黑色內有一二細  
如頭髮蠕蠕欲動是蠶秧將出之候仍密藏之待  
桑枝抽有嫩葉乃取出蠶連溫於懷中一半日攤  
開煖處又半日即出此煖在已變綠色之後也如  
不置於懷中則以二連相合爲一層連背向外層層平  
鋪用綿花包裹約厚三四寸綿花之外再裹以潔淨綿  
襖綿襖之外仍覆以潔淨衣被置溫室牀上時常  
用手試探以被底有溫和之氣爲妙如因留種太

多恐將來繅絲過於忙迫，即分作兩次生蟻亦可。後一次生蟻，比前一次可遲十日，須藏蠶子於罌內，置之冷處，封閉罌口，勿令風熱透入。十日後取出蠶子，一見熱風，蟻自破殼而出。

煖子禁忌

忌熱

大熱則蟻死不出，出亦焦枯不眠。

忌寒

寒則出遲，且先後不

齊

忌仁熱仁寒

仁熱仁寒，子必損壞。

勿置產婦身上

淨也，勿

置做粗活人身上

做粗活者多出汗，恐蒸壞蠶子。如天氣和煖，而又家無不做粗

活之人，則日間亦勿只煖一面。置懷中者，蠶連置活之被絮下可也。在外，那一面即摺在內，必須表裏互易。如今日以這一面靠裏衣，明日便以那一面靠裏衣，裏綿花

者蠶連不止一層每日早午晚三次解開綿包將中層之連移置上下層上下層之連移置中層庶煖氣均勻其勿當風看視恐蠶乾難出也

初出者宜防護 蟻之初出者名報頭須以燈草長

四五寸者數十莖勻鋪連上再行摺好以防壓損

最後出者勿留養 蟻之生也有先有後蟻生在前過

午則然不過三日即當出齊第三日揭野蒿薇葉

不生將蠶連平鋪篩內安放明亮之處將蒿薇末勻撒連上蠶在篩內得此香氣一箇時辰盡出矣或

隔年枯桑葉炒過三日後而出者棄之

燥採末亦可

收蟻 五則

下蟻之時

蟻三日出齊卽須同時下連

三日之內蟻在連上

不餒葉亦無妨礙

但小蟻畏冷已前下連則餘寒尙在午

後下連則煖氣已退須於巳午時擇無風處下之

下蟻之法

新蟻微渺如髮最易損傷下蟻者或以

雞鵝翎掃撥或以桃柳枝敲打連背皆非善法莫

妙於出齊之後用快刀切桑葉細如絲髮

下蟻時方可切

葉須切則葉乾無津液

用篩子篩於盤內蠶蔭上

務要篩勻不必過厚

然後以蠶連覆葉上蟻聞葉香自然下連就葉儻

覆葉多時尙不下連或緣上連背翻轉仍不肯下

此病蟻也併連棄之

分先後 三日出齊之後同時下連係指本連之蟻而言若此連與彼連之蟻生有先後則下連亦有先後頭一日下連之蟻第二日下連之蟻須各置一器切不可合併一處

合併一處則將來眠起不齊

酌多寡 下蟻之多寡應以桑葉之多寡爲準故養蠶者必須量葉下蟻新蟻一錢三眠時約可得蠶一斤每三眠蠶一斤前後食葉約一百四五十斤此湖州人算法也新蟻一錢大眠時約可得蠶五

斤或六斤不等每大眠蠶一斤前後食葉二十五  
斤大眠蠶五六斤前後食葉一百三四十斤此杭  
州人算法也一就三眠時計算一就大眠時計算  
前後食葉斤數不甚參差然葉在樹上何由知其  
多寡須於先一年桑葉正茂之時取一全樹之葉  
稱準斤數再合而計之桑樹若干株可得葉若干  
斤卽以今年桑葉之多寡預定明年桑葉之多寡  
雖不中不遠矣

大約肥大桑樹每株可採葉三四  
十斤有桑四株可得葉一百三四  
十斤便可養蠶一錢老桑樹及栽種瘠土之桑樹  
每株可採葉一二十斤有桑七八株可得葉一百



三四十斤亦養蠶之家若不知此法下蟻時一味  
可養蟻一錢養蠶之家若不知此法下蟻時一味  
貪多後來葉不接繼蠶必受餓誤事非小或桑葉  
有餘而人力不眾房屋不闊器具不多則亦未便  
多養此蠶事緊要關頭也慎之慎之

稱輕重 養蠶者知桑葉之多寡而不知蟻之輕重

則把握毫無不是蠶多葉少便是蠶少葉多昔人

成法有以母蛾之多寡定蟻之輕重者詳留種第五則有

以子連之輕重定蟻之輕重者詳留種第六則此皆約畧

計算不如收蟻之時稱其輕重較爲的確稱之之

法、蟻未出時子在連上、即先將蠶連稱準、寫計分

兩於連背、俟新蟻下連之後、再稱空連、除去空連

分兩若干、便知蟻重若干矣、此法最穩、若待蟻生之後、將蟻歸聚一處、

以紙包裹、稱其分兩、則蟻必受傷矣、留種第六則稱連法、與此法大致相同、但彼是先稱空連、後將

子與連合稱、此是先將子與連合稱、後稱空連、

育蟻 五則

飼葉 蟻初下連、只食葉之津液、餵養之法、桑宜宿

澆、不宿澆則葉宜現摘、不現摘則刀宜快、刀不快

津液少液、切不細、則切宜細、蟻難食、篩葉宜勻、宜薄、不勻、則餓飽不一、不薄則

葉未食盡津液已乾下連又須旋摘旋切旋切旋

後第一二三日尤宜極薄

篩以津液易乾如遇天氣晴和每日可餵葉五六

次下連後第一二三日布葉極薄多如遇陰寒蟻

不甚食葉須用綿被將盛蟻之器四面包裹蟻得

煖氣便食葉矣器上須用他物架空否則綿被壓及蟻身

取齊頭一日下連之蟻比第二日下連之蟻多餵

三四頓即將頭一日之蟻置之稍涼處以減其頓

將第二日之蟻置煖處每日加一二頓不過數日

自與頭一日之蟻頓數相當再各餵三十頓即齊

眠矣此一日取齊之法

分開餵葉數次之後便覺其密須用蠶簇子輕輕撥開再餵葉數次又覺其密又撥開或將細葉篩於蟻上俟蟻上葉用蠶簇子輕輕夾起分布別器或用蠶匙輕輕挑起分布別器亦可

蠶簇子夾蟻  
蠶匙挑蟻各

法詳易器  
第三則

體刮蟻下連已二三日蠶屎桑渣堆積漸厚卽須

以礬糠灰薄篩蠶上如法體刮

取出蠶屎桑渣謂  
之體刮法詳易器

第三則另易他器所易之器紙下須襯灰

初次體出  
之桑渣謂

之香體須烘曬令乾以備蠶眠起齊後之用

保護

新蟻宜煖

房內如置火鉢切不可貼近蠶器恐熱氣熏蒸致貽後患也

宜

暗忌風忌穢

頭眠

三則

將眠

將眠之時自下連日算起至第六日

或第七日即

是頭次將眠時候以上葉之次數計之大約總在

三十次以外將眠之狀頭帶綠色尾帶淡紅色

俗謂之見紅綠絲身肥皮緊色白而亮

由青轉白亮在己變

白色之後未變黃色之前

口吐絲於葉上俗謂之沸絲此時將

打裝尙未打裝

打裝則仰面向上身子不動乃眠熟之狀非將眠之狀

易

器之法眠時不可驚動宜趁其將眠未眠急體一

次

體法詳易器第三則

昔人云蠶變黃光之時急須體刮此

說不可從以黃光一見蠶卽熟眠眠後體刮恐不

堪其擾也又云將眠之先一定旺葉三四餐

謂此三四

餐食葉最旺也

旺葉之後必然沸絲沸絲之後就要打裝

連忙體刮一番此說宜善於體會以體刮應在沸

絲之前不應在沸絲之後也

蠶色善變初起色灰越二日夜變爲青光

又一日夜變爲白光漸漸發亮又一日夜卽變黃光當白光發亮之時卽是將打眠裝之時不過一

箇時辰必定沸絲宜趁白光發亮將沸絲尚未沸  
絲之際速速用網撻過體刮一番若黃光一見卽  
打眠裝體刮已屬無及且盤眠將起時全賴此絲  
扯住腳跟方能脫去蠶殼打裝之時絲已沸盡至  
此始行體刮必將眠腳扯斷將來起娘之  
殼必難脫出此至要關頭也  
不可不知  
餒葉

之法體刮後必須餒葉宜加勤宜漸薄保護之

法宜煖宜微明忌風忌穢氣比平時更要勤防

熟眠 熟眠之時從下連後算起至第七日

或第八日卽

是頭眠時候從沸絲算起一晝夜方能箇箇眠成

蠶不眠則殼不脫 眠熟之狀色微黃頭向上身

子不動謂之打眠裝觜縮入不食謂之結觜觜縮

之後旋又徐徐吐出謂之吐觜直至觜上隱隱有

一點尖角紫蔭方纔吐全謂之眠娘保護之法

宜暗宜溫煖煖則一日一夜可脫殼寒則一日半或二日方能脫殼宜避風忌

西北風西北風一吹便吐觜不出宜避穢不可餽葉不可驚動蠶

器蠶方吐觜驚動則觜又縮入若要再吐便不容易用礬礪灰篩於蠶身

之上或用細石灰篩於蠶身之上以收潮溼如此則眠娘易於脫殼置之

靜室以俟其起

眠未齊 易器之法未眠之蠶與已眠之蠶不宜併

在一處先一日眠者必先一日起後一日眠者必



後一日起若勉強合併則一器之內有已眠者有

未眠者覆壓擾亂甚不相宜必須篩糠灰於蠶上

布桑葉於灰上俟未眠者脫灰而出便可移置他

器

法詳易器第三則

餵葉之法易器後餵葉宜勤切勿

偷懶餵至數次則未眠者亦眠矣

昔人所謂頻飼以督其眠即指

此時而言眠定仍篩糠灰於蠶上以俟其起青頭蠶

易器餵葉之後仍不能眠俗謂之青頭蠶養之無

益檢出丟棄可也

蠶雖好亦不能絕無青頭者

頭眠起後

二則

頭眠初起

眠起之時自下連後算至第八日

或第九日

眠者卽脫殼而起以眠後計算大約一晝夜卽起

眠起之狀眠娘色微黃背微闊衣已盡褪則起

矣俗謂之起娘

衣皮也眠一次則背闊一次衣寬一次蓋其背其衣皆於眠時潛換

也

保護之法宜微明宜微煖宜禁止煎炒

起娘一見

竈上卽須禁止煎炒因油腥之氣吹入蠶室起娘嗅此氣則登時生病也不必急於餵

葉因其口尚嫩也且恐有背已闊而衣未盡脫者若食葉太早則腹大而未脫之衣脫不下矣

必待箇箇起齊方可餵葉

頭眠起齊

餵葉之法箇箇起齊灰下無一眠者

起者

必脫灰而上看桑渣蠶屎之上有絲布滿則起娘猪

老便可餵葉蠶眠既起欲餵葉時先於室中燒香體一撮蠶聞此香便即思食此是醒

胃之法香體見育蟻第四則每一晝夜約餵四五次之後二眠

之前中間三四日最為要緊此三四日設有小病到老必無收成第一不可受餓夜間切勿貪睡

起齊後第一次布葉須薄而勻蠶眠時器內篩有糠灰起後蠶器乾

燥所布之葉易枯枯則蠶不能食故布葉宜薄俟食去三分之二即再布

一次不必俟其食盡第三次布葉不妨稍厚以後蠶漸大

葉亦漸厚須食盡再布易器之法天氣煖則隔

一口體一次因此時食葉漸多桑渣蠶屎較前易厚也天氣寒則隔兩

日所易之器紙下仍襯以灰 保護之法宜煖宜

明忌風忌穢

二眠 三則

將眠 將眠之時頭眠起後越四晝夜即是二次將

眠時候亦有因天氣煖和越三晝夜即要二眠者

以上葉之次數計之大約總不過二十次以內此指

四眠蠶而言若三眠蠶頭 將眠之狀與頭次將

眠起後越七日纔二眠 眠同 易器之法餵葉之法保護之法均與頭次

將眠同

熟眠 熟眠之時從頭眠起後算至第五日或第四日即

是二眠時候若從下連後算起大約不過十一二

日或十日便當二眠 熟眠之狀與頭眠同 保護

之法亦與頭眠同

眠未齊 易器之法餒葉之法均與頭眠未齊時同

二眠起後二則

二眠初起 眠起之時從眠後計算一晝夜即起

起娘之狀與頭眠起娘同 保護之法亦與頭眠

初起同

二眠起齊 餵葉之法與頭眠起齊同此時不可使

蠶受餓每一晝夜須餵五六次 易器之法天氣

煖則一日體二次因此時桑渣蠶尾較前益厚也天氣寒則隔一

日所易之器紙下不必仍前襯灰如遇天氣過冷

隔一日仍不敢體刮則用茅草隔蒸之法法詳地蠶第四

則俟晴和再體 保護之法與頭眠起齊同此是

緊要關頭務必小心保護不可使蠶受病

三眠 三則

將眠 將眠之時二眠起後越三四晝夜又將三眠

以上葉之次數計之、大約總在二十次內外此亦指四

眠蓋而言若三眠蓋則二眠起後越七日纔三眠將眠之狀與頭二次

將眠同 易器之法、餽葉之法、保護之法均與頭

二次將眠同

熟眠 熟眠之時、從二眠起後算至第五日或第四日即

是三眠時候、若從下連後算起、大約不過十六七

日或十便當三眠、眠熟之狀與頭二眠同、惟頭

二眠背上隱隱有尖角、三眠背上明明有尖角、稍

不相同耳、保護之法與頭二眠同、稱蠶之法

眠定後逐一拾出

不可破損其身亦不可擦傷其鬚恐脫殼不下也

置光

滑器內以秤稱之

為此後桑葉計也三眠蠶一斤至老時可得繭八九斤或十斤

不等前後食葉一百四五十斤除三眠以稱時須

人多手速

則人多手速則久罷致傷

稱準仍置曬簍內

即大

蠶盤也見蠶具第三則

篩灰於蠶上以俟其起

此湖州人養蠶法也

須俟大眠眠定之時方以秤稱之如照杭州法則

三眠眠定之時不必稱其斤兩只篩灰於蠶上以

眠未齊

易器之法篩灰布葉與頭二眠未齊時同

所不同者惟篩灰布葉之後未眠蠶脫灰而出有



在葉下食葉者不過遲眠數刻只須餵葉以俟其

眠不必移置他器有在葉上食葉者只用手指輕

輕拈出另置他器不必用蠶簍子耳若以蠶網盛

特不用蠶簍子併不用手拈餵葉之法易器後仍餵葉以督

其眠與頭二眠未齊時同稱蠶之法未眠者眠

定仍以秤稱之稱準後仍篩糠灰於蠶上以俟其

起如照杭州法則此時不稱祇篩糠灰於蠶上以收溼氣青色蠶此時有

蠶色甚青皮肉如油不食葉而在葉上掉頭不佳似

有所苦者此終不能眠眠亦無用之蠶宜急棄之

三眠起後 二則

三眠初起 眠起之時三眠亦以一晝夜爲率 起  
娘之狀與頭二眠起娘同 保護之法亦與頭二  
眠初起同

三眠起齊 餵葉之法箇箇起齊方纔餵葉與頭二  
次起齊後同所不同者甫經開口未餵桑葉之先  
可餵柘葉兩三次 詳蠶食第一則 既餵桑葉切過三四次  
之後可用整張大葉不必再切耳此時食葉較速  
務須晝夜布葉 食盡即上 每一晝夜餵葉八九次白晝

約可六七次

天寒則食葉稍緩約只布得四五次

黃昏時布葉一次

宜略厚三更後再布一次亦宜略厚

此兩次必須加厚者以夜

間布葉必不能如白晝之勤也

易器之法與二眠起齊後同與

頭眠起齊後不同

保護之法與頭二眠起齊後

同惟起齊之次日可去蓐草謂之落蓐與頭二眠

起齊後不同耳

大眠

三則

將眠 將眠之時三眠起後越四晝夜又將大眠亦

有早至三日者遲至五日者

以天氣有冷煖食葉有疾遲也

以上

葉之次數計之大約總在三十次以外

此亦指四眠蠶而言

三眠蠶只眠三次無大眠

將眠之狀與頭二三次將眠同

易器之法餵葉之法保護之法均與頭二三次將

眠同

熟眠 熟眠之時從三眠起後算至第五日

或第四日或第六日

即是眠時候若從下連後算起大約不過二

十一二日內外便當大眠 將眠之狀與三眠同

保護之法與頭二三眠同 稱蠶之法眠定後

逐一拾出置於平底盤中

不拘方圓竹木但忌新油新漆者 盤滿

則以秤稱之大眠蠶一斤老時可得繭二斤前後

不計外此後尚須稱時須人多手速稱準則堆之

大曬簍內每斤有零稱時須人多手速稱準則堆之

灰於堆上石灰須以收其溼氣再用閘刀將秬稻

草截作半寸許草與餵牛馬之覆於石灰之上以不

身爲度不以待其起此杭州法也湖州人養蠶先

必過厚如照湖州法則三眠眠定之時以秤稱之

定之時不必再稱只飾石灰於蠶上以俟其起可

眠未齊 易器之法與頭二三眠未齊時不同蠶上

不必篩糠灰只用整張大葉勻鋪其上以葉之光面向上

其已眠者伏葉下不動未眠者必上葉就食接連

鋪葉數次葉上蠶多即再鋪葉不必俟其食盡未眠者與眠者已隔

數層桑葉將葉捲起則未眠者盡在葉間隨即勻

鋪他器中餵葉之法易器後仍餵整張大葉以

督其眠稱蠶之法未眠者眠定仍以秤稱之稱

準後仍以石灰覆蠶上以俟其起如照湖州法則三眠時已經稱

過此時不必再稱祇節石灰於蠶上以收溼氣

大眠起後二則

大眠初起 眠起之時大眠一晝夜後蠶必脫灰脫

草而散儻天氣寒冷則其起較遲有遲至兩三日  
者只宜靜候斷不可促之以火 起娘之狀與頭

二三眠起娘同 保護之法與三眠初起同

大眠起齊 餵葉之法堆已散盡無一眠者便須餵

葉第一日先餵柘葉五六次再餵桑葉絲乃韌而

有光

韌音忍柔而固也無柘葉者專餵桑葉

第二日巳午之間以臘

月所藏綠豆粉拌桑葉餵一次

先攤桑葉於蠶盤內以新水灑拌再

用細羅篩篩綠豆粉於葉上拌令極勻每葉一筐用水一升豆粉四兩可餵蠶五六斤可解

熱毒且蠶絲堅韌有色易於抽縑或用臘月所藏

熟米粉种桑葉餵之亦可第三日以臘月所製桑

葉麪种桑葉內間空餵三五次灑水餵种均同比

豆粉米粉更好製桑葉麪豆粉米粉各法詳蠶料第一則無麪粉者專餵桑葉第

四五日專以桑葉餵之蠶自大眠之後食葉愈速

布葉宜愈勤正面反面皆可不拘溼葉露葉務須

晝夜餵養食盡卽布不可稍饑每一晝夜約餵十

餘次此時多食一口葉則上山後多吐一口絲易器之法莫妙於用

蠶網大眠起齊之後食葉愈多桑渣蠶屎較前更厚不體則蠶受蒸鬱暗老多病此時舊皮



經晚登脚向殿未可拖動早體則拖動益脚日後  
絲縷不純惟以蠶網體之便可免受蒸鬱又不拖  
動益脚且簡便省力如無蠶網切勿早體遇天煖  
法詳易器第三則

則於起齊後二日體之遇天寒則於起齊後三日  
體之三日之後須每日體一次因脚漸蒼老保

護之法與頭二三眠起齊後同但頭二三眠起齊

後宜煖大眠起齊後宜涼耳以蠶長十分葉增十  
分渣多屎厚易於發

也須捲起窗外簾薦開窗下風竇並剪開窗紙蠶  
陡

見風日則驚而生惟雷電交作則須密閉窗門毋

病須以漸爲之令電光射入或西南風起或夜氣太冷亦須放下

門窗簾薦若遇天氣暴熱則門外置甕貯以清水或灑水於門外地上以透涼氣天氣平和則不必白水蠶起齊後兩三日見有蠶身獨短其節高聳不食葉而常在葉上往來腳下有白水者宜急去毋使沾染他蠶

地蠶

五則此法乃蠶多器少者不得已而爲之蠶若不多不必用此法

設倉大眠起後蠶身愈大用器愈多如無器物可分只好於地下設蠶倉以代蠶器俗謂之放地蠶但不宜早放

放太早則挫動蠶胸且蠶既下地桑渣蠶屎堆積大厚亦無法可去

須

俟開口兩三日乃放倉內

蓋脚已老無妨推動又為日無多桑渣蠶屎不

至堆積太厚

設倉之法先擇屋內明亮有地板者打掃

潔淨次以稻草搗軟截作寸許鋪勻地板上再置

地蠶凳於稻草內

地蠶凳詳蠶具第十則

無凳則以厚磚散

置其中

磚彼此相距二尺須安置穩當使布葉者有立脚處

倉邊四圍用厚

木板圍住

或用小土磚圍住亦可倉之大小以蠶之多寡酌之

然後以蠶勻

布草上如無地板則先鋪石灰再鋪稻草如無石

灰則先鋪粗糠再鋪稻草

地面多溼氣非蠶所宜粗糠稻草須用極燥者

布蠶

布蠶於地不宜過稀

過稀則費葉

不宜過密

過密則老

得不宜遠擲高拋遠擲高地則蠶身傷損

鋪葉 蠶既下地居高放葉切莫拋擲須蹲踞凳上或磚上輕輕布之務使均平如有手不能到處則用細竹枝挑之使勻

隔蒸 蠶放地下雖爲日無多桑渣蠶屎不致堆積太厚然遇天氣溼熱氣卽上騰總不免蒸鬱之患須取乾茅草切細勻撒蠶舍再布葉於茅草上則蠶聞葉香緣茅而上所撒茅草均在蠶身之下可隔溼熱氣此亦救急之一法也

放倉 蠶倉之旁須留餘地倉內蠶如太密則將倉之邊際漸漸放開添設立腳土磚再切稻草勻鋪地面而以密處之蠶移置放開之處俗謂之放倉

老蠶二則

蠶老之時 大眠起娘餵葉四五晝夜卽老以上葉之次數計之大約在五十次內外自下連至老約二十五六日

或二十七八日

蠶老之狀 身肥觜小長約二寸粗如小指色微黃如糙米色一般取向明處照之絲喉漸亮身漸軟

謂之老娘

蠶色暗將老則喉間先亮蠶身硬將老則漸軟

再薄餒三五次

俗名上馬桑

便通身透明通身柔軟中有一絲跳動且

遊走不食是欲作繭急宜上山

紫山

八則

屋宜通氣

蠶將老則灑埽屋內紫山以俟屋內無

樓板更好

因瓦縫參差可通氣也

若在樓下紫山須先揭起

正中樓板一二塊

否則日後繅絲恐不爽利俗謂之開頭繭

窗宜透亮

紫山之屋必有窗戶乃可透亮但須避

風避日耳

架宜平穩 先用高板凳兩條安置兩頭次用竹竿

三四根橫置凳上務須平正穩固再將蘆箔鋪竹

竿上

蘆箔詳蠶具第十一則

然後取草山排立於箔

帚宜扭開

蠶山以鐵帚帚為最佳俗謂之山帚無

鐵帚帚則以稻草為之

詳蠶具第十三則

草梢散亂必輭

而毛

輭則載蠶不起毛則多浮絲

紮山時須先將草梳仰縛於

凳

草梳見蠶具第十二則

次將草梢放梳齒上批去其葉之

散亂者

或以一手按草一手執梳柄而梳其散亂者亦可

再將草把中間

用繩紮縛而齊切其兩頭然後將草把扭開立於

蘆箔便下如覆椀上若仰盂矣草把空處須薄撒亂稻草以承墜蠶

勿孤立 蠶山分層排立此帚與彼帚交錯此層與彼層交錯其山乃穩

勿靠牆 蠶山不可緊靠牆壁緊靠牆壁則近壁之蠶緣牆而上將有成

繭於瓦如恐上山之蠶遊至極邊不免失足墜地

則於蘆箔與牆壁貼近處以草把橫塞之使遊山之蠶至

此停留做繭縱有緣上牆壁者亦必不多

勿蠶多山少 上山之蠶不宜太密太密則二三蠶合結一繭其絲



滑泥難纏甚至積壓熏蒸蠶死繭  
朽不待不能纏絲併不能做綿山之多少以蠶

之多少爲準大約每山一畝可上蠶七八十枚屋  
之寬一丈深二丈者安置山畝可上蠶五六十斤  
勿阻塞貓路 蘭怕鼠咬箔下須留貓路

上山 七則

隨老隨上 其色微紅其軟如綿且通身明亮卽是

蠶老之候未老上山則失之太早  
太早則上山一雨日始作繭謂

之停 旣老不上山則失之太遲  
太遲則蠶在盤內吐絲上山後結繭

必 必須隨老隨上方爲得法見有老蠶卽以整張

桑葉薄薄鋪之、未老者食葉如常、已老者必起至葉上、昂頭若有所求、可卽於葉上一一取之、俗謂之捉老蠶、葉盡再鋪、隨捉隨鋪、至老者太多、捉之不勝捉、則以柳枝提之、以多葉之柳枝數十條、勻排葉上、其老者卽上柳枝、使兩人執包袱之四角、而微凹其中、一人將柳枝提出、向包袱凹處、略一搖擺、則蠶下如兩矣、隨卽以盤淨之、故移鋪他處、以徧爲度、所捉所提之蠶、均用盤盛、至紫山處、次第置山上、謂之上山、

山上加山 上山一兩日後、有未得結繭之處、而在

山頂昂頭向上者、以竹枝、柳條亦可勻插山上、隔七八寸插一

枝不必太密，即便結繭，俗謂之青山。已在山頂者必不肯復下，故不能不

於山上，然必俟成窠者已過十分之九，乃可用此

法。用之太早，則未成窠者無不擗上青山矣。

避風日 蠶初上山，宜避風避日。

戒驚駭 蠶將成窠時，不宜挫動。蘆簾架子。若一挫動，則蠶

口一縮，如受驚狀，往往棄將成之窠。而另結一窠。大約三日內，切勿挫動。夜間看火，勿

令燈光上射，須戴笠而進，或遮以扇。緣蠶見燈光，則絲斷，日後繅

絲添些疵累也。

時啟閉 蠶老上山，先成窠後結繭。繭在窠內未成窠以

前宜暗不宜明須將窗門關閉無窗門者用蘆席遮掩既成窠以後宜明不宜暗便當打開窗門用蘆席者撤去蘆席令屋內透亮

置火爐 蠶老上山蘆簾架下不用火者約四五日

方能成繭謂之冷蠶絲用火者約兩晝夜即可成

繭謂之熱蠶絲

用火則蠶山燥爽吐絲自然快利

冷蠶絲縲時易

斷不如熱蠶絲之省力用火之法以炭火置簾下

仍將炭盆頻頻移動滿簾煖氣務使勻和不可過

大過小亦不可忽大忽小

以手按簾處處溫煖便是恰好之候山外

以稻草簾圍之

既可避風又免熱氣外散

俗謂之關火門

關火門之

時或燒香體一撮引蠶吐絲亦可

上山第一日最爲要緊第二日

火力比第一日火力稍微亦可

上火災之法惟上山時可用

晾山棚

熱蠶絲兩晝夜後繭已做完聽之無聲卽

將火盆及遮圍之稻草簾一併除去俗謂之晾棚

摘繭

六則

摘繭之時

摘繭不宜過遲冷蠶絲上山後六七日

可摘繭熱蠶絲上山後三四日可摘繭俗謂之落

山

亦曰回山

摘繭之法 先上山者先摘後上山者後摘如帚內

有黑腐之繭即先去其黑者然後將好繭摘下黑繭

者觸手即破皮皮破必摘時手宜輕不宜重下手

汚及他繭故先去之

則圓者繪匾矣好醜 繭以堅實為佳然絲有粗細之分堅實而

瑩白者絲細堅實而晦色青蔥者絲粗須儲兩處

一若綿繭繭其受傷吐絲遲陰繭內潰而映頭繭已成

繭而不化蠅其繭而中草凹繭緊靠草把上微繭

機汁潤映又名烏頭繭草凹繭繭上定有紫色印

痕尿緒繭蠅屎沾染蛆鑽繭蛆集蠅身蛆生腹上

穿頭繭

山下用火太旺，匆遽吐絲，不凹赤繭，薄緒及周徧環繞，其繭一頭穿破。

赤蛹

同功繭

兩三蠶共作一繭，俗呼大頭繭。

皆繭之醜者，只可做

綿，不可做絲。摘繭時遇有此等繭，即須挑出另儲

一處，切不可與好繭同縲。

好醜同縲，則好者亦變而為醜。挑出之繭，以清

水浸之，留作做綿之用，並非棄物。詳做綿第一則。

稱輕重

摘繭之後，必須置籃內過秤。

籃不光滑，則以紙鋪籃內。

以繭置紙上稱之。繭籃詳蠶具第十四則。

知繭之斤兩，則知絲之斤兩。

杭州人養蟻，一兩約得繭百斤，得絲一百五六十

兩。湖絲比杭絲更細，養蟻一兩約得繭百斤，得絲

一百兩零、知絲之斤兩、則縑絲須若干日、方能畢

事可以屈指而計

詳縑絲第五則

攤置涼室 蛾穿繭而出者、其繭不可縑、絲蛹變爲

蛾、雖未出來、絲亦難縑、自摘繭至蛾出、不過十餘

日、其變蛾約在十日以內、所摘之繭、尙須剝去外

衣

見本條第六則

斷不能卽日便縑、故縑絲只可以七八

日爲限、過限則蛹變爲蛾矣、摘繭後、須薄薄攤於

箔上

太厚則發熱

置涼室中、並貯井水於箔下、使受涼

氣

如此則蛹之變蛾可遲一二日、縑絲者乃略從容



剥去外衣 摘繭之後須將外衣剥去

乃繭外之浮絲

也務須迅速不可太遲

遲則發熱剥後仍攤於涼處以

待繅

非棄物可留作抽線之用並詳抽線第一則

殺繭

三則此法為繭多繅不及者而設繭若不多不必用此法

火焙

繭多不及繅恐蛾穿繭而出以火焙之則蛾

不出矣炕之寬大者一日可焙繭數百斤

北邊人謂煖牀

為炕焙時須熱氣均勻

時時翻動則熱氣均勻矣

以乾透為度勿

過焦勿用有煙之柴是為至要

選柴法詳繅絲第二則

夔州

人焙繭火氣自炕外達炕內既無溼熱之患又無

枯焦之虞亦善法也

詳蠶具第十五則

但絲經火焙總不

如未焙者之光潤

鹽滷

以繭十斤置甕內以荷葉

箬葉亦可

包鹽一二兩

置繭上爲一層層層如此甕滿則用鹽泥密封甕口勿令走氣亦可緩蛾之變

籠蒸

先用鹽一兩油五錢入釜湯內次以蒸籠坐

釜上以軟草作圈圍釜口籠內鋪繭厚三四指俟熱氣蓬勃時用手背於蒸籠下一層繭上頻頻試探如手不禁熱卽取去下層蒸籠而以上層蒸籠

坐釜上再續添一層爲上層輪流蒸轉總以手不

禁熱爲恰好不可蒸得太過亦不可蒸得不及

太過

則賴了絲頭不如籠蒸太多卽於添水時酌添油

及則蛾必鑽出

鹽乾免至蒸乾絲頭已上蒸籠之繭務要當日蒸好

延至明日則蛾

出蒸好之繭攤於箔上俟冷定後再用細柳梢微

覆之

如無蒸籠則鋪繭於大竹篩內亦厚四指許繭上置新鮮椿葉覆以單布安鍋上蒸至椿

葉變色爲度

火焙鹽汩籠蒸三法以籠蒸爲最佳然

天氣晴明自可隨蒸隨曬卽或不曬亦不難於陰

乾若遇天雨日久蒸過之繭厚攤箔上固有發熱

之虞卽薄薄攤之而蛹在繭中總不免溼氣蒸鬱又不能不用火焙之法

繅絲 十八則

儲水 煮繭之水以清爲佳如用山水須擇溪澗中

之極清者取之

自石罅內流出者更佳

如用河水須於半月

前儲舊缸內以待其清若先未儲備則臨時投螺

升許於水中切勿用礬如用井水須擇其味不鹹

色不黯者

水不清則絲不亮

選柴 煮繭之柴以無煙爲佳板炭最好如無板炭

則用栗柴柏柴以二木無煙故也但須曬令極乾

耳松柴多煙不可用絲被煙熏則色不明亮

砌竈 縑絲鍋竈宜安車牀之前鍋之後半上對牌

坊縑絲者對竈而坐絲竈詳蠶具第十八則

安車 縑絲車牀宜安竈基之後浙中用腳踏車較

之以手轉車者最為靈便且腳踏板手理絲一人

兼二人之用較之以手轉車者人工亦省車前安

牌坊中安絲秤後安車軸旁繫牡娘繩車牀牌坊絲秤牡娘

繩車軸詳蠶具第十九  
十二十一二三四五各則

計日 自摘繭至繅絲不得過七八日

詳摘繭第五則湖州

人繅絲每繭一斤約得絲一兩杭州人繅絲每繭

一斤約得絲一兩五六錢因湖絲最細杭絲較肥

也

絲細則摘去絲頭等項較多故所得淨絲較少然貨高價昂亦甚合算

茲以細絲

計之假如收繭百斤可得細絲百兩善繅者以三

絲眼繅之一日止能繅細絲八兩計煮繭八斤必

十二三日乃畢以雙絲眼繅之一日止能繅細絲

六兩計煮繭六斤必十六七日乃畢若不能用三

絲眼雙絲眼而以單絲眼繅之一日止能繅細絲

三四兩計煮繭三四斤須三十日內外乃畢故抽  
繅細絲用三絲眼者繭過六十餘斤用雙絲眼者  
繭過四十餘斤用單絲眼者繭過二三十斤便須  
添設絲車若抽繅中勻絲較之繅細絲者每日可  
多繅半倍抽繅肥絲較之繅細絲者每日可多繅  
一倍或兩倍三倍取絲愈肥則煮繭愈多繭過若干斤便應  
添車可類推之如不添車即須以籠蒸繭免致蛹

變爲蛾

絲眼詳蠶具第二十則  
籠蒸詳殺繭第三則

煮繭

鍋內先注清水

新繭以生繅爲佳蒸焙之繭  
爲日過久恐絲頭乾燥不利

於縑水內須入油鹽少許以篋子攪勻然後下繭  
換水時再酌添油鹽如未蒸未煆或蒸煆未久則  
不必用此法一俟水將滾時下繭於鍋約二十箇左右可  
太多多則煮損襄陽絲縑鋪取絲做線其絲甚粗  
須合數十縷為一綾故鍋內下繭百餘枚取絲者  
不可以絲線鋪為法以右手執撈絲帚輕輕挑撥使繭滾轉  
又亂攪幾下隨手一撩將絲頭帶出水面無撈絲  
帚則用  
篋子三四隻即以左手捻住絲頭於水面輕輕提  
挑撥攪撈撈即以左手捻住絲頭於水面輕輕提  
撮數次右手隨即放下撈絲帚捻住絲頭下之清  
絲左手將粗絲頭摘出另放一處絲頭雖粗亦可  
抽線並非棄物  
詳抽線再以清絲穿入牌坊做絲眼繭六七箇或  
第一則



八九箇抽成清絲一縷者謂之七蘭絲其絲極細其貨較高十一二箇抽成一縷者謂之中勻絲其絲較肥其貨較次若以一二十箇抽成一縷則更肥矣

撈絲量詳置具第十六則

上軸 摘去粗絲頭之後先以清絲穿入牌坊板上之做絲眼次由絲眼引上牌坊之響緒交互一轉再由響緒送入絲秤上之絲鉤復由絲鉤搭上車軸繫於貫腳之橫梁然後用手搖車或用腳踏板軸自旋轉如意軸既旋轉絲自環繞軸上

響緒絲鉤貫腳

踏脚板詳蠶具第二十  
二十三二十六七各則

看火

煮繭時火不可過大亦不可過小

火過大則水太熱絲

多疵果火過小則水不熱繭必踢開繭如踢開絲必中斷急將颺開之繭掠聚一處挑起絲頭以淨絲搭入絲眼便可接聯而上務須斟酌合宜大約以湯如蟹眼

為恰好

換湯

煮繭時換水不可太勤亦不可不勤

絲要亮又要白

換水太勤則白而不亮務必留心細看如湯色稍換水不勤則亮而不白

渾即傾出三分之一以略溫清水攪入此事須一

人專司

緊繩

牡娘繩宜緊不宜鬆

鬆則絲秤移動俗謂之走杌且絲縷不能錯綜

必至結成一塊

縹絲者須時時著水於繩

繩淫則緊

去蛹

絲竈之左設一木盆用物架高使與竈齊絲

盡蛹沈卽將蛹撈起置於盆內如有水繭縹不上

絲頭亦撈置盆內

留爲做綿之用詳做綿第三則

添繭

每繭一枚抽絲一縷細絲合八九縷爲一縷

絲眼之下應有繭八九枚粗絲合十餘縷爲一縷

絲眼之下應有繭十餘枚絲盡蛹沈去一蛹卽少

一繭鍋內須時時添繭使絲縷接續不絕

若不添繭或絲

眼下已上絲頭之繭時多時少則絲之粗細必不能勻

所添之繭未上絲眼

須另挑絲頭以清絲搭入

搭頭 絲眼係絲縷歸總處眼下眾縷謂之絲窠或

繭絲已盡或忽然中斷或所添之繭未上絲眼則絲窠減少必須另挑絲頭以清絲搭入謂之搭頭搭頭之法先以右手大二中指執清絲以左手二指中指分開絲窠再以清絲之頭搭入窠內自然將絲頭夾帶上去無跡可尋若在窠外纏繞帶上便不免接頭痕跡矣

治病 煮繭纒絲時繭有牽連而上直至絲眼阻塞

去路者此病繭也

此病由結繭時火力過大所致

少則以手擊之

繭自墜落鍋內多則不勝其煩須將繭攤在曬簍

上以熱水勻噴之

如細雨溼衣狀

再放潔淨甕內封蓋片

時然後取出纒絲自然順利又有纒絲時絲已過

眼上軸忽然極細而斷者亦病繭也

此病由結繭時火力過小

所致須先以燒酒勻噴繭上

不必封蓋甕內

再煮而纒之便

不中斷矣

烘絲 絲車之後須用炭火一盆帶纒帶烘

絲從水中抽出

聽其自乾必至彼此膠粘俗謂火盆離軸不可太

遠亦不可太近太遠則火力不及太近則火氣傷絲炭須無煙且不

爆者爆音豹煙則熏壞絲此事須一人專司

下架 絲繞車軸約重四五兩便須卸下俗謂之下

架又謂之脫車脫車之法以送杙木緊緊抵住杙

木之小頭用槌頻擊杙木自鬆貫腳自脫乃將絲

與車衣布一併揭下杙木車衣均詳蠶具第二十六則

歇車 今日已晚便須歇車俟明日再繅歇車後鍋

中所餘之繭謂之湯頭繭以大椀儲之於明日動

車後傾入鍋中雜生繭內抽之

未經湯者曰生繭

冷盆絲 以上十七則皆纈火絲法也冷盆絲即水

絲光彩堅韌爲絲中上品纈水絲法一切與火絲

同所不同者惟多用一水盆牌坊安在盆上耳火

絲所用之牌坊安在煮繭鍋上水絲則繭鍋左邊

另安一大水盆

茲盆最好瓦盆亦可

盆內注溫水

約九分滿

盆上

安牌坊俟繭鍋內提出絲頭一手執清絲一手用

漏瓢昏繭送入水盆

當遙上聲挹彼注此謂之昏

再將清絲穿

入牌坊板上之做絲眼仍將鍋內已煮之繭時時

昏送盆內以便陸續搭入絲窠

做綿 四則

各樣醜繭 摘繭時挑出各樣醜繭詳摘繭第三則亦可做

綿挑出之後即以清水浸之每日須換水二三次

且須多浸幾日以去其污

蛾口繭 出蛾時留下蛾口繭詳留種第三則亦可做綿其

污較少只須水浸一兩日不必久浸

水繭 繅絲時撈出不上絲頭之水繭詳繅絲第十一則亦

可做綿歇車後將水繭置鍋中以原湯煮之煮透



後以絲帚撥之擺之則蛹皆離絲而絲亦牽連成片明晨取出貯以蒲包用重物壓乾提起牽連成片之絲擺落蠶蛹置日中曬之俗謂之絲搭頭

### 做綿法

杭州做綿之法先去污

水浸各項醃繭以絞不出污水為度

### 次煮熟

繅絲已畢先以桑枝或稻草燒灰漚汁入鍋再以大碗盛香油一杯用灰水沖入

內俟鍋中灰汁煎滾時即將已經浸去污水之各樣醃繭及蠟口繭絲搭頭併投於鍋內以枕內油

灰水一半勻澆鍋內數滾之後將繭翻轉復以所餘一半油灰水入鍋再煮務期煮熟

### 淨

煮熟之後乘熱取置篩內放水淘洗潔淨

### 次剝開

漂淨之後放水中揆箇剝開

### 次做手透子

剝開之後以繭套於左手之上以右手摘去蠶蛹將繭徐徐拉扯一邊扯

至手掌一邊扯至手背謂之剝手續亦謂之做手  
透子約計大繭五六箇或小繭十餘箇可做一箇  
子透次做綿兜做成手透子之後即將手透子蒙  
逐層如增逐層拉扯約計手透子四箇可次曬乾  
成一箇綿兜之後隨見蠶具第二十九則  
做成綿兜之後隨見蠶具第二十九則  
時曬乾便是絲綿湖州做綿之法與杭州大同小  
異去汚之後杭州以香油一杯煮繭湖州則以木  
湖州則以清水漂浸四五日換水三次剝開之後  
杭州以繭數箇或十數箇做成手透子然後將手  
透子蒙於綿豁之上做成綿兜湖州則以繭四五  
十箇美於至手上將綿拉至手掌手背再以右手  
插入綿內徐徐拉長徐徐拉寬即成  
綿兜隨時曬乾不再蒙於綿豁之上

抽線  
三則

繭綸絲頭

繭綸卽攤繭時剝下繭衣

見摘繭第六則

絲頭

卽煮繭時所摘下者

見縲絲第六則

均可搗爛做綿但其

性均不甚煖湖州人以之抽線不以之做綿也繭綸無汚可去剝下之後不必水浸煮時亦不必用桑灰汁稻草灰汁只以清水煮之煮熟後用手撕開放薄板上浮於水面以小竹枝帶水擊之以打薄打絨爲度取出曬乾便可抽線矣以絲頭抽線者法亦如之

各樣醜繭

不論何項蠶繭凡可做綿者皆可抽線

但抽線在成綿之後，綿以鬆爲佳，以絨爲妙。如不鬆，不絨，便難抽扯。須照製繭紵法，將綿浮放水面，以小竹枝帶水擊之，取出曬乾，便如彈熟之綿花矣。或先以滾水淋木炭灰，務要淋得極醞，用舌舐試，以辛辣刺舌爲度。次以竹篩盛繭斤許，再將炭灰汁入鍋內燒滾，於繭上勻潑數次，然後將繭篩安置鍋上，以滾炭汁淋之。篩中炭汁仍入鍋內。用手試扯，以絲開爲度。如扯不開，取汁再淋。絲開之後，將篩置鍋內蒸一杯茶時，然後取出。如蒸不及，則生而難扯；蒸如太過，則腐而無筋。取出之後，將繭翻轉套於篋

子之上，俟套至一二十層，然後取下。取下之後，再浸於淨水盆內，以手握洗十餘次，以去灰氣。然後如法抽扯。

抽線法 先將絲綿掛掛叉上，次以左手大指二指中指捻綿，向下抽扯，以右手大指二指將左手抽出之綿，撚而成線。如搓紙撚子一般俟線長尺餘，然後將

線之下截，纏繞蘆筒之上，線之上截，纏繞墜梗，螺紋之上，復以手撚之，自然將墜梗帶動，墜梗愈旋轉，愈下墜，線亦愈引愈長。俟墜梗至地，卽解開螺

紋上之綿線纏繞蘆筒復以其餘纏繞螺紋仍用手撚之俟筒上綿線纏成大捲再將筒取下另換一筒謂之打綿線以勻爲佳不必過細可織綿紬綿又墜梗蘆筒詳蠶具第三十則

夏蠶

四則

蠶種

頭蠶曰春蠶二蠶曰夏蠶

一名熱蠶一名原蠶一名再蠶一名

晚蠶一名魏蠶

夏蠶別是一種然春蠶亦可作夏蠶種夏

蠶亦可作來歲春蠶種

蠶形

其形與春蠶同但較小耳故曰魏蠶魏細也

蠶性 惡溼喜涼

勿多養

夏蠶獲利甚速

夏蠶屎熏臭蟲神效、但不浸穀種則不生蟲

可多養養多則用葉必多未免傷損萌條有誤來

年春蠶桑葉

養夏蠶法

九則 養夏蠶大致與春蠶同須參看春蠶各條

煖種

夏至前數日以綿花包裹蠶連置溫煖處一

二日卽生蟻

計日

夏蠶生蟻後十八日而老上山六日而摘繭

七日而蛾生卵

除溼 夏蠶未生之前蠶屋壁腳下須燒麥糠以除

溼氣

解熱 夏蠶白蟻至老俱宜涼須用茅草為輦作蔭

陳稻草亦可勿用麥草蠶屋內多用水缸以貯清水日

一換

避蠅 夏蠶畏蚊畏蠅蠶屋內毋令蚊蠅飛入

通風 養夏蠶宜南北窗但用紙糊窗雖可以避蚊

蠅卻不能通風天晴則罨熱生病天陰則淫蒸生

白醭陰晴俱覺不便須以紗糊之紗邊貼紙以貼窗上蠶畢揭下



明年仍可再用無紗則用夏布亦可既可遮蔽蚊蠅又可透達風氣

易器 天氣漸熱體刮不勤則蠶受蒸鬱之苦須每

日早晨體一次體法與春蠶同

飼葉 夜間天氣較涼上葉宜勤養夏蠶者切勿食

睡飼法與春蠶同惟三眠後須用綠豆麪種葉餵

三四頓以解熱毒製豆麪法詳蠶料第一則種豆麪法詳大眠起後第二則

採桑 夏蠶即原蠶之別名原再也古人禁原蠶恐其

殘桑也春桑葉已採盡復將二次所生之葉餵養

夏蠶未免犯原蠶之禁養夏蠶者採摘二桑葉務

桑蠶提要

卷二

全

必斟酌去留每杈約留三四條餘均攀下摘葉餵

蠶所留之條任其落葉

此法妙處全在每杈留三四條俟養夏蠶之葉均係

應去之條其應留者仍不採葉聽其自落既得夏蠶之利又不損明年之葉如無可去

之枝條即於各枝條上摘葉以餵夏蠶每枝只可摘葉三分之一切莫多摘

秋蠶

四則

蠶種

三蠶曰秋蠶

亦名原蠶

秋蠶別是一種然夏蠶亦

可作秋蠶種秋蠶亦可作來年春蠶種

蠶形

與夏蠶同

蠶性 春蠶自初生至大眠均喜煖大眠起後喜涼

夏蠶自始至終均喜涼秋蠶則初生喜涼

以其時去三伏

尚近暑氣猶存也

與夏蠶同與春蠶不同初眠喜溫再眠

如春與春蠶同與夏蠶不同大眠後全要煖煖與春蠶夏蠶均不同惟喜燥惡溼則春蠶夏蠶秋蠶無不相同

勿多養 秋天養蠶比春更穩儻春蠶遇天災養之可補歲計之不足但不可多養恐傷損來年春桑也

養秋蠶法

四則養秋蠶大致與夏蠶同須參看夏蠶各條

去溼 秋蠶初生蠶屋尙溼潤宜用紗糊窗使風氣往來

避風 秋蠶最忌北風漸次天寒窗戶宜用紙糊但須留捲窗天晴無風則捲起以通氣天陰有風則放下以避風

飼葉 飼法與春蠶同秋露正盛切不可用露葉易器 易器之法亦與春蠶同但春蠶初生隔兩三日一體秋蠶初生一日一體否則多生白醭漸漸

天寒隔一二日體一次亦可

柘蠶 三則

蠶種 柘蠶感柘氣而生，另是一種，其始生柘樹上，夏秋之交，將柘葉細心撥看，遇有小繭，卽取以爲種，但有無多少，年年不同耳。得種之後，便可養而爲蠶。養蠶之後，便可留而爲種，生生不息，無庸再在柘樹上找尋矣。

蠶形 與家蠶同

蠶性 先出先起，先繭與家蠶異，其餘均與家蠶同。

養柘蠶法

二則蠶同須參看家蠶各條

養柘蠶大致與家

飼葉

餵以柘葉亦可餵以桑葉一切餵法與家蠶

同柘葉須年年摘採方可餵蠶否則有毒蠶食之不旺且多死初次養柘蠶者應於先一年夏月將柘葉打落淨盡次年生葉便無毒矣

縑絲 餵蠶成繭以冷水縑之謂之冷水絲作琴瑟絃清響異常亦可織紬古人所謂棘繭卽此蠶也縑法與家繭同

山蠶

八則

蠶種 山蠶卽野蠶，只是一種，其始生柵樹上，今山

東貴州河南陝西等處皆有之。

蠶形 如家蠶而較大，初出如蟻，結繭如小雞蛋。

蠶性 不避穢氣，不忌喧囂，不懼風寒，不畏雨雪，昔有

養此蠶者，三月大雪，蠶皆僵硬，人以爲凍死矣。次日雪消，蠶竟復活。但怕久雨，怕凍

冰耳。

久雨則蠶不旺，凍冰則葉受傷，蠶必壞。

然三月凍冰，乃偶然之

事，不常有也。或三眠，或四眠，與家蠶同。蠶出五六

日，初眠不食葉，二三日脫去黑殼，色分青黃，乃復

食。又五六日二眠，又五六日三眠，又五六日四眠。

眠時不食葉起後復食與初眠同眠時喜安靜不可翦移

蠶食 橡葉櫟葉柞葉青桐葉臭椿葉皆可食桑葉

亦可食

登萊人養山蠶於樹無所不用惟不用楊樹耳繭以食椒葉者為最上謂之椒繭食

臭椿葉者為下謂之柞繭嶺南蠶並有食紫蘇葉作繭者 黑衣小蠶宜食火芽

二眠以後須用二芽三芽四芽

若始終食火芽則蠶壯不能退臙火

芽二芽三芽四芽即青桐樹葉詳桑政附錄青初第二則

以火芽二芽三芽四

芽飼山蠶須隔一季

如今年春季以此處之葉養今年秋季即以此處之葉

養秋季蠶俟明年春季養蠶再用此處之葉如今年秋季以此處之葉養秋季蠶明年春季即以此處



之葉養蠶春蠶俟明年秋  
季養蠶再用此處之葉

蠶具 養蠶結繭雖在山坡烘繭煖子卻在蛾房宜

裱糊牆壁宜關閉門窗勿令通風竹竿以備懸掛火盆

以備燒柴燒炭之用無火盆即破鍋亦可均係蛾房必需之物盛繭盛

蛾均用篋篋以竹爲之或用桑條編成高一尺六寸廣二

尺一寸篋上安曲木如筐繫式便挽篋面用蓋罩好

防飛篋內用紙裱糊避風或以筐盛繭盛蛾亦可

篋徑三尺深一尺有餘以剪剪枝須用齊頭寬葉大

剪須十分快利利則不能一剪即斷敢絲器具與

家蠶同

薅坡 蠶未上坡先將坡上雜木茨草砍除淨盡並  
將樹下之土一律剷平庶看蠶時無所妨礙

除害 狐狸狼鼠鷹鴟鳥雀蛙蟆蟲蟻無巨細皆嗜  
蠶防禦稍疏必飽無厭之腹須用人四面看守晝  
則持竿張網夜則執火鳴金或施彈弓或放火鎗  
或以皮鞭擊地務令害蠶之物一律驚散

不費力 山蠶養在山坡樹上聽其自食自老除防  
守鳥獸昆蟲外別無費力之處只要送蠶到坡便

有九分收成、春可養、秋亦可養、一年兩季獲利甚厚

養山蠶法

以下春秋二季、飼養山蠶、皆採用貴州遵義府之法、他省養山蠶法、亦大

略相同、間有不同者、仍增注各條下方、以備參攷、

春季 十五則

擇種 秋蠶結繭、在白晝後、欲留佳種、必先擇繭、繭  
有好醜、持繭輕捻、堅硬重實者、好繭也、持繭輕揉、  
圓轉活潑者、亦好繭也、蛹有公母、形圓者為母蛹、  
形尖者為公蛹、公母之數、務必相當、庶將來蛾出

不至雌少雄多雌多雄少雌多雄少尚可用已經

若雌少雄多便十月半間再揀選一次然後以竹

簍盛之

烘繭 次年立春日紙糊密室將繭簍置於中央用

青桐木柴燒火微烘之不用雜木柴以青桐氣味與蠶相宜也自立

春至春分前五日凡四旬須晝夜無間且須漸次

添火春分前後覺蛹微動即用線穿繭成串字線時不

可傷搭竿上仍以火烘之火在當中繭竿在四圍蛾乃穿繭

而出烘時火不可太大火太大則蠶受熱毒必有斑爛之患亦不可

大小火大小則煖氣不足，蠶有空肚之病。火之大小以天氣之寒煖

為準，天寒則加火，天煖則減火，天氣之寒煖以人

身之涼熱為準，身涼則加火，身熱則減火。山東諸城縣

西甯莞州河南魯山縣鄧州等處蠶均用雜木柴。

對蛾 蛾出後拾入筐內，雌雄配合。眉細者為雌，眉粗者為雄。

次日摘出雄蛾，另置一處，聽其自僵。甯羌則辰巳時對蛾，申酉

時拆開以四個時辰為度，與家蠶配對法一樣。

收子 拆開雄蛾之後，以手微捻雌蛾去其溺。否則不生。

子置筐中，微火煖之，子即出。子出後仍留雌蛾在

筐內覆養一二日謂之伏子

甬羌則令雌蛾伏

十月盛繭於簞立春後以火烘繭春分後始行提出  
而生子遵義諸城甯羌鄧州等處皆然惟魯山不  
同秋蠶結繭後如天氣煖和蛹變為蛾蛾提出即盛  
之以簞令生子於簞中俟蠶子生滿將蛾提出將  
簞藏於高處避風處如秋寒不能出蛾甚至冬臘  
月間蛾尚不出即以繭掛蛾房內用火烘之蛾  
便出而生子以待四川貴州人販運因彼處山蠶  
種一二年後即不發旺故必到此處販運也每蠶  
種一簞以平價計之可值銀三四兩

煖子

子在筐不可斷火越旬日蠶即破殼而出

甬羌

鄧州則以子筐懸清涼無煙處待陽坡青桐等樹  
葉長寸許然後置子於煖室以微火烘之數日蠶  
出即

育蟻

蠶既出用新折柏枝勻鋪筐內蠶聞柏葉氣

自然緣上柏枝

柏枝氣香且紋理相涇易於攀援

卽連蠶與柏枝

提置青桐樹上嫩芽中飼養

甯羌則於蠶生之後辰巳時將蠶筐置水

渠中筐底支以石勿令沾水插青桐等樹枝梢於筐之四圍水內以免枝葉乾枯蠶聞葉氣卽出筐

上葉筐邊之葉須常換新鮮者毋令蠶餓換葉時須將新枝換舊枝俟蠶上新枝然後拔去舊枝筐

內如有未出之蠶午後仍取回懸煖室中次日蠶出仍照上法水邊搭草棚日夜看守諸城則於蠶

出後剪嫩芽初放不及麥大之柞櫟枝細成小把置蠶於枝上插淺水中晝夜看守魯山則於蠶出

後用羽翎掃入盤內以初發小櫟葉切細餵之數日後已出之蠶稍稍長大未出之蠶亦已出齊然

後剪下嫩枝約長尺許細成小把如一握大將蠶放小把上插淺水邊蠶得水氣則火氣自消免

上二卷山蠶去

致生病將來結繭亦復潤澤鄧州則於蠶出後即  
剪檟樹嫩枝細作一束以束之上截放蠶以束之  
下截浸水盆內食盡再換

上樹 提蠶出筐後即送蠶上樹蠶見新葉自然緣

上樹枝先食嫩葉以後聽其自食自老未老之先

有時不食乃蠶眠也眠起即復食

蠶眠蠶起詳山  
蠶第三則鄧

州則先在水盆內餵養三四日俟蠶頭帶白色再送樹上魯山則  
先在水邊餵養三五日俟蠶頭帶白色再送山坳  
將所細之小把連蠶分開插檟樹枝上諸城則俟  
蠶長指許再納筐中肩負上山置蠶於樹甯羌則  
俟陰坡葉生始將水邊餵  
養之蠶連枝稍移置樹上

移坡 此坡之葉已經食盡即連枝帶蠶一併剪下



置提筐中

須斜架剪刀、趁勢剪之、則枝易斷、而蠶不驚、若樹枝較大、則先屈其枝、後下剪

約滿半筐、即移布彼坡樹上

筐內切勿堆積太厚、恐壓傷蠶身也、彼

坡之樹枝、如或遠揚散漫、即將散漫之枝、先行靠

攏、然後以所剪蠶枝、布新樹、當中有極杈處

謂之蠶窠

庶蠶在中心、上下左右、均可就食、眠時不可剪移

剪枝、移坡、須在眠起之後、

防

害 自上樹以至移坡、結繭、均須人防禦禽鳥

詳山

蠶第七則

結繭

四眠後、食葉旬日、噤口退臙、即令在樹上吐

絲成繭、自蠶出至結繭、約兩箇月、

魯山蠶少之家、亦令在樹上結

繭、若蠶多繭多、則於避風處、另設繭廠、上掛茅棚、下堆樹枝荒草、將老蠶送到廠內、樹枝荒草上、聽其結繭、因樹上結繭過多、一時難於遍摘、恐遭陰雨損壞也、

摘繭 結繭三日、其漿已固、乃連葉摘下去、葉而縱

絲、

殺繭 繭過十餘日、蛾即鑽出、如繭多人少、一時縱

絲不及、則以火熏之、庶免蛹變為蛾、

魯山不用火熏、只將地上

蛄除潔淨、鋪繭於地、令太陽曬之、繭中之蛹自然曬死、不能出蛾矣、但鋪繭宜薄、厚則曬不透、

煮繭 以大鍋盛冷水、下繭二三千枚、煮三四刻、將

繭翻轉再煮三四刻再翻轉俟繭將輒時用荻灰  
淋汁量繭多寡酌傾鍋內再煮一二刻即熟如尙  
未熟再加荻灰汁略煮

取絲 煮熟之後用短小竹棍濾淨絲成綫分作數

提仍存鍋內然後照家繭法縑之竈內不可斷火

絲若不順便須加火以水熱則絲易抽也絲之粗細視所提絲縷之多

寡縷多則絲粗縷少則絲細亦與抽家絲同

扯線 湯繭即縑絲時所餘剩者血繭質輕而薄破口繭即已經出蛾之繭

皆不堪縑絲均用豬油少許和水浸溼蒸透以水

洗淨晾乾扯線以備織紬之用所提浮絲亦可洗淨做綿扯法做法與家繭同

秋季七則

擇種 春季山蠶結繭在夏至後收春蠶時穿繭成

串晾於竿上

恐壞也

十餘日成蛹出蛾

甯羌州春蠶約在夏至後

結繭將繭摘回攤於涼箔數日蛾生鄧州摘下春繭亦用火烘繭出蛾不攤於涼處

對蛾

秋蛾既出配對拆對如春蛾

甯羌則寅卯時令雌雄相配午

後拆開比春季配對拆對均早兩個時辰

收子

拆對後將母蛾微捻去溺用線一根

約長四五寸

兩頭各繫一蛾，搭於青桐樹上，聽其生子出蠶。

甯

則以線縛雌蛾一腹，繫樹上，紫蛾之多少，以樹之大小為準。次日，即下子入伏，後五日，其蠶自出。鄧州則以線繫蛾翅，放樹上，聽其生子。秋陽暴之，蠶自出。以上各法，均與春蠶稍異。惟魯山養秋蠶，生子育蟻上樹，一與春蠶同法。

移坡 蠶在樹上食葉，葉盡移坡，如春季法。

防害 與春季山蠶同。秋天林中多油蚱蟬，宜於夜

間伺聲以捕。

結繭摘繭 均與春季山蠶同。

扯線做綿 秋繭不能縑絲，只可扯線做綿。扯法做

法與春繭同

桑蠶提要卷二終